


पुर्खा दय्क तकगु सम्पत्ति, भीगु कला व संस्कृति
पिकाक-भक्तपुर नगरपालिका



पुर्खा दय्क तकगु सम्पत्ति, भीगु कला व संस्कृति

ख्वपया

नेपाल संवत् १९३९ गुँलागा: / २०७६ भदौ १ / 2019 Aug./ ल्या:१९, दाँ:१



ख्वपया लोकहवागु सापारु जात्रा

पिकाक - ख्वप नगरपालिका / सम्पादक - आशाकुमार चिकंबञ्जार

थाकू - भक्तपुर अफसेट प्रिन्टर्स

फोन ल्या: - ०१-६६१००९६

इ-मेल - bhaktapurmuni@gmail.com

; DkfbSlo

@)&^ efb|!, c^a\$!(, j iff!

भाद्र ९ गते ख्यंगु हिँ

उब्लेया पञ्चायती शासकतयसं नेमकिपायाता हाँग हे बाकी मद्यक ल्यं थानेगु मतिं राज्यस्तरं हे तहांगु जःगवयो षडयन्त्र यात । उगु दिन खः २०४५ भाद्र ९ गतेया दिन । उकिं नेमकिपाया नेता, कार्यकर्ता तयसं भाद्र ९ गते याता दाँय दाँसं ख्यंगु हिँ काथं लुमाङ्क च्वंगु खः ।

२०४५ साल भाद्र ९ गते खुनुं ५ गते ब्वःगु भ्वखाचां पीडित पिन्ता राहत इड बियगु इवःलय् पूर्व रापस कर्ण प्रसाद ह्योजुं पीडित पिन्ता मब्यूसें थःमनूता राहत इड ब्यंगु पक्षपातपूर्ण व्यवहार खाड उतेजित जनतां ह्योजुं लगायतता लकामः कोखायक ख्वप नगरे चाहिकल । उब्ले सामान्य घाइते काथं प्रशासनं यंकम्हा ह्योजुता चान्ह्य जुबले अस्पतालं सीत जक घोषणा यात । पञ्चतयसं यागु षडयन्त्र मथुपुं अपलं ख्वपया जनतातयसं तस्कं दुःख सिल । नेमकिपाया नेता नारायणमान बिजुकछें (रोहित), उगु इलय्या रा.प.स. गोविन्द दुवाल, भक्तपुर नगर पञ्चायतया प्रधान पञ्च आशाकाजी बासुकला, उप प्रधान पञ्च चैत्य राज शाक्य, वडाध्यक्ष सुनिल प्रजापति नपां अपलं जनप्रतिनिधिपिन्ता ज्वड, कुड तस्कं सास्ती यात । बर्बर यातना बिल ।

नेमकिपाया बहुमत दःगु ख्वप नगर पञ्चायतं फुककं ज्याः, ल्याःचाः न्ह्यकने स्वयथें पारदर्शी काथं जनताया हःने ब्वयो वयो च्वंगु खः । इमान्दारीपूर्वक देश व जनताया सेवा यायगु मतिं ज्यासाड वपुं जनप्रतिनिधि पिन्ता ज्वड कुड सास्ती यागु जक मखु नगर पञ्चायतहे भंग याड मण्डले तयता ह्यो नगरपञ्चायत चले याकल । भारी क्वथाय् द्वाहँ वांम्हा खिचाथें मण्डले तयसं पञ्चायतया सम्पति ब्रम्हलुट यागु जक मखु नेमकिपाया कार्यकर्ता तयगु छँ छँ केनेयंक परिवार तयता तकः दुःख बिल । का.रोहित नपां ६७ म्हा नेता कार्यकर्ता तयता मृत्यु दण्ड व सर्वस्व नपांया जन्मकैदया माग याड मुद्दा चलेयात । मेपुं सलंस कार्यकर्ता तयता शान्ति सुरक्षा अन्तरगत मुद्दा चलेयात । ज्वड यंकपुं फुककंसिता पशुयाता थें अमानवीय सास्ती यात । मध्ययुगीन बर्बर यातना बिल । जबरजस्ती अनेक षडयन्त्रया भ्वेतय् सही याकल ।

भक्तपुर काण्डया नामं चलेजुगु उगु काण्ड ख्वपे जक मखु नेमकिपाया गना गना संगठन दः आना आनाया कार्यकर्ता तयता तकं तस्कं दुःख बिल । यँ, कालिकोट, जुम्ला, दैलेख व थी थी जिल्लाया नेमकिपाया कार्यकर्ता तयता ज्वड अनेक दुःख कष्ट बिला । अजगु राज्यस्तरया दमनया कारणं कैयौ कार्यकर्ता तयगु छँ स्यन । जाहान-परिवार तः बिचल्ली जुल । मचातय् स्कूले ब्वनेमखान । व्यापारी तयगु व्यापार स्यन । गुलिसिया जागिर वान । अपलं कार्यकर्तात भूमिगत जुयमाल । गुलिं थगु देश त्वःत प्रवास जीवन बितेयाय माल । अयनं संघर्षशील नेमकिपाया कार्यकर्तात लि मच्यु । अजगु बर्बर दमनं मग्यासिं कार्यकर्तात अन्यायया बिरुद्धे ल्वाड च्वन । पञ्चायती व्यवस्था क्वथलेमधुंतले मदिसें संघर्ष याड हे च्वन ।

गना दमन जुई आना संघर्ष जुइ धाय्थें २०४६ सालया जनआन्दोलने नेमकिपाया कार्यकर्तात हःने च्वड, सक्य जुयो पञ्चायतया बिरुद्धे भाग काल । फागुन ७ गते निसें न्ह्याकगु उगु आन्दोलनया सातिखुनुं फागुन ८ गते दकले न्हःपां ख्वपे कायर पञ्चायती शासक तयसं गोली कयकल । सपुतत सहिद जुल । अथेनं दमनया बिरुद्धे ल्वाड वयो च्वपुं कार्यकर्तात छतिहे मग्यासिं आन्दोलन हज्याक यंकल दमनं गुनुगुनु न्वयो च्वंगु आन्दोलनया मिं देशे डांक हवानाक्क च्यात । जनताया शक्तिया हःने पञ्चायती शासक तयगु छुहे लगे मजुल । चैत्र २६ गते पञ्चायती व्यवस्था सदांया लागिं क्वदल । नेमकिपायाता दमन यासेलिं कतःयाता नःम्हा धुं थःतानं नइ धायो पञ्चायत व्यवस्था विरोधीत छथायसं मुड आन्दोलन यायता ग्वाहाली जुवान । गुकिंयाड सशक्तआन्दोलन हचिइके फत । अले पञ्चायती व्यवस्था सदांया लागिं चिइके फतः । उकिं पञ्चायती व्यवस्था क्वथले फःगुया छगू कारण भक्तपुर काण्ड नं खः ।

जनताया संघर्ष भीगु देशे बहुदलीय व्यवस्था निस्वान । उकिया लिधंसाय् गणतन्त्र नं वल । अथेनं सिसीजक हिल अय्ला वहेन्तुं धःथें पञ्चायती पहः स्वयो अः या व्यवस्थानं छतीहे मपा जक जनतात हाल च्वंगु दः । श्व बिदम्बना खः ।

पञ्चायती व्यवस्थां नेमकिपाया पुसा हे बाकी मद्यक सिधयकेगु तहांगु षडयन्त्र यागुलिं हरेक वर्षया भाद्र ९ गते याता नेमकिपाया कार्यकर्ता पिसं अजगु षडयन्त्र हकनं जुयफः जक सचेत यायां ख्यंगु हिँ काथं लुमांक मानेयाड च्वंगु दः ।



शनिवारया न्हिः छम्हा पत्रकारया

■ निर्जला

(२)

शौ शनिवारया दिन्, इलं भतिचा फुसंद विद्गु मतिं कर्मचारीपुं सुथाय भतिचा लिबाक देनि । अथेनं साउनया महिना, न्हिने तःनु । शौ सुथाय भुलुभुलु व वयोचवंगुलिं सिचुसे च्वड माकुक् न्ह्यो वयक देड च्वंम्हा सकसिनं श्यामप्रसाद धायो म्हास्युम्हा पत्रकार भाजु सुथाय ८ बजेतिनी दड वला । सायद म्हेग बहनी लिबाक छगू विदेशी संकिपा (सिनेमा) स्वता जुयमः । घडी स्वस्वं वाथाइथि दान । हाई, यायां दाड थःगु सुथाय्या कर्म सिधय्क घडी स्वः बले इलं ९ ता इलय् क्यन । उब्ले हे टेलिफोनया घण्टी डाल । टेलिफोन ल्हॉ ल्हॉ लिसः बिल -'ज्यु, ज्यु, हस्, हस् जि वहे वल ।'

प्याहाँ वानेता नं फिय्धुंक वं चियाहे मत्वंसं काचाकुचु लकां न्हायत । जंहानम्हासं ज्वडवगु चिया या ट्रे स्व स्वं धाल- जि च्या त्वड च्वनेमलात । छमि च्या त्वँ । जि ज्या छगू वानेताडा । जि इलयहे जानः वय् । शौ शनिवारयां खःनि । जंहानम्हासिं भतिचा तंम्बय्थे याड ध्याचुनक धाल - प्रत्येक वले छन्हु शनिवार वै (श्रीमान जु) नायो भाजु तर विदा!

मिसाया ध्याचवलं कयो गथ्ये गथ्ये जुसां पत्रकार भाजु मुसुक्क न्ह्यो न्ह्यो मछिंपहलं लाहासांक विदाफवन । वाई ! मने खॉ ल्हाक ल्हाक प्याहाँ वान -जिन्दगी थथे हे खः ।

देशे, ठेकेदारतय्गु महाजालय् सरकार लाड च्वन । लॉ दय्केगु ठेक्का कःम्हा ठेकेदार प्रधानमन्त्रीया पासायाय् नं पासा जूगुलिं वयागु विरोधय् बदमासीया

जातः प्वल पत्रिकाय् च्वत, ऐन कानुन लाहातय् कायो ज्यासांगुया गुनासो नपां जनतां विरोधसभा यातानं उम्हा ठेकेदारता छुं हे नापे याय् मफः । किसीया न्हय्पते पाँती हाले थें ।

तर थौयाय्गु जुलुस थ्वनं न्हापायाय्गु स्वयो तःहाँगु खाने दः। उगु जुलुसय् विरोधय् पर्चा नं हवल । विद्यार्थी पिसं थाय् थासय् कोणसभा नं यात । ठेकेदारया थःवं क्यम्हा मेयर झ्याले पर्दा किक् विरोधसभा स्वयो च्वन । मखांक न्हय्पं बियो न्यड च्वन ।

मेयरया उगु पहः खाड मेयरया जहानं तंपिकायो न्वात- छिगु आमु छु पहःल्या, लज्यानं चाय् म्वःला ? थमनं जुसां धायो व वडबले ध्याचःव लिभः त्वडबले धुप्वःदानिगु लॉ बांलाकेता बिचःयाय् म्वः ला ? लॉय् व क्व दक्व सिनं धाय्क, सराब्युगु न्यड जुयता लज्या चाय्म्व ला ?

पलख भ्नासुलांक मेयरजुं लिसः बिल-छुयाय् ? छुं किजाता विदेशे छवय्ता डागु लाख तका दां कायोब्युसां निसं वं जिता तेरे हे मयाय् धुंकल । नातां क्यडां छु याय् ? आखिर ठेक्का धाय्गु ब्यापार हेयां खःनि । थःदयाक सुनं ज्या याइला? थ्व बाहेक मन्त्रीजुं वयाके गुली धेवा कालाथें ? छुं हे सियागु मखु : ।

विरोधसभा सिधय्क श्यामप्रसादं ग्वसाखलःया दुजःपिके न्यन-न्वचु ब्युपुं फुक्कसियागु खॉयां च्वय् धुन । छिकपिसं मतितयागु स्वयो अप्वः मन्तयसं ब्वति कःगु यां खाने दःनि मखुला ? ग्वसाखलःया कजिं लिसःबिल-ठेक्क हे खः । बांलात । पत्रकार पासायाता नं अपलं सुभाय् । जिमिगु बचं तयो भ्नायो दिल । भिन्तुना ।

श्यामप्रसाद छँ थ्यंबले छँ सुहे मरु । छक्व भवँते च्वयो टेबुले च्वय् तयो तकगु खान-'जि साउन महिना जूगुलिं महादेके वड च्वडा । मचात कलेजया पिकनिके वान । थरमसे जातयो तकागु दः । कायो भपियो दिसं ।

पत्रकार भाजुं समाचार तयारयात , अले पत्रिकाय् छवय् धुडानिं जा नय धुं बले घडी छता ई क्यन । उब्ले हे मिसाम्हा देकेनं ल्याहाँ वल । अले प्वा त्पुं छसिकाथं खॉ कान । शौ याय्गु विरोधसभायाता मछिंकेता खनं महादेके उलि मछिं धेवा फुक 'मेलाया ग्वसः ग्वगु । नसा ज्वलंया नेगू-स्वंगू वट्टा क्यँ क्यँ धाल-आना वपुं फुक्कसिता नेप्वः, स्वप्वः इड बिल । अमिसं थ ता जिपुं भारतीय खः धायो च्वन । भारतलिसं थाना थ्यंक वयागु जक पुरुषार्थ थें खॉ कड च्वन । भायुं हिन्दीजक ल्हड च्वंगु । छु राज्यया मुख्यमन्त्रीयाता खः, तस्कं तारिफ नं याता ।

जानय् धुंक, न्वँसिल थौया समाचारपत्र छक स्वय्गु मति तयो फेतुय्हे मलानी हकनं फोनया घण्टी डाल । फोनय् खॉ ल्हा ल्हॉ लिसः बिल हस्, हस् जि वय् हे धुन । सुभाय् ।

मोजा न्ह्या न्ह्यां थःजहानयाता धाल- सुं पासापुं भःसा, गनानं फोन वःसा जि ५ ता इलय् ल्याहाँ वड धायो ब्यु । हस् , धाधां जहानम्हा तले थाहाँ वान ।

कलेजया सभा भवने शौ छगू मुंज्या या ग्वसः ग्वयो तःगु । कलेजया हलय् च्वनेथाय् थाय्मरु । हलहे जाय्क मनु दः । काश्मिरया विषयले जुगु उगु विचार गोष्ठी



स्वप पौ

ज्या इवः न्ह्याकसेलिं वक्तां न्वचु बिल । वक्ताविद्यार्थी हिन्दुस्तान व पाकिस्तान क्वचा थःगु, काश्मिरया हिन्दु जुजु हसिसिंह जुं जनता नपां छुं हे सल्लाह मयासें जवाहरलाल नपां सल्लाह यात । बहुमत जनता मुसलमान जूगुलिं जुजु हरिसिंह थःगु वर्ग चरित्रकाथं बल्लाम्हा भारतयाके बःकःवान ।

मेम्हा ल्याम्होम्हा वक्तां नुवात-लाज गाजया हुनिं नेहरं काश्मिरता विशेषाधिकार बियो भारत संरक्षकत्व काय्गु स्वीकारेयात । थःगु हे संविधान थःगु हे भण्डा (धवार्य) भारतया मे-मेगु प्रान्तया नागरिकपिसं काश्मिरे अचल सम्पति न्याय मरुगु नपां व्यापार व्यवसाय याय् मरुगु विशेष क्षेत्रनं धोषणा यात । काश्मिरया बारे छुं नं निर्णय याय् मःसा आनाया संसद वा राज्य विधान सभाय् सल्लाह याड जक याय्गु, यकिगु अधिकार बिल ।

वक्तां नुवाडंतु यंकल- सोभियत संघया संविधानं सदस्य राज्यतयता विस्कं छुटेजुयो च्वनं दैःगु नपां संयुक्त राष्ट्र संघे दुजः जुयदःगु अधिकार बियो तःगुःदः । अमेरिकी राष्ट्रपति अले केन्द्रं छुं नं राज्यया गभर्नरयाता ज्वनेगु वा अमिगु अधिकार न्ह्यो, हाचां गायो वानेगु अधिकार मरु । अले भारतया राष्ट्रपतिं केरालाया कम्युनिष्ट व मेगु विरोधी राज्यसरकारता नपां विधानसभाता भड्गु याय्गु अधिकारतक बियो तःगु दः । उकिं भारतीय संघ राज्यता अर्ध संघराज्यया संविधान दक नं धः ।

अथे हे सिक्किमता नं लिपा विशेष अधिकार ब्यूगु दः । अः भारतीय संविधानया ३७० धारा संसदं खारेजयाड द्रलंद्र सेना छ्वयो काश्मिरयाता भाजपां बलं मिचेयाड जवर्जस्ती भारते स्वाड छवत । सलंसः काश्मिरी नेता व जनतातयता झ्यालखानाय् कुने यंकल । अले भारतया दिल्ली मार्क्सवादी कम्युनिष्ट नेता तयता हवाइ मैदानं हे लिता छवत । जनताया मौलिक अधिकार हे (हनन्) लाक कःगुलिं भाजपा सरकारया

चरित्र फासीवादी व नाजीवादी नपां ज्वःला । उकिं भारतया प्रजातन्त्रवादी, प्रगतिशील जनतां व कम्युनिष्ट तयसं 'काश्मिर कब्जा' व 'सैनिक कदम' या विरोध यागु खः ।

भारतयाता असमान संघराज्य नं धाई युरोपेली संघं गथे बेलायती जनतां जनमत संग्रहयाड बेलायत अलग जुला काश्मिरयाता नं अजगु अधिकार मबिल धःसा वनं छगू काथंया क्वत्यला (थिचो-मिचो) व विस्तारवादया हे छगू रूप धाय्मः ।

न्यनामितय् मनय् खाँ ध्वाथुगु पहः खाने दः । अले लाहापा पररर थात । पलख छक गाईगुडै - गाईगुडै सलं हःले छगू काथंया विद्रोहया सःन्हयागु थें जुला । उद्घोषकं मेम्हा वक्ता मय्जुया नां काय् वं हकनं दर्शक पिनिगु ध्यान दबुलि स्वत ।

माइक मिलेयायां मय्जुं थःगु न्वचु न्ह्याकल । भारतीय विस्तारवादं न्हापा पूर्वी बंगाले भारतीय सेनां आक्रमण याक 'बंगलादेश' दयकल । अले सिक्किमता जबर्जस्ती भारते हे स्वाड छवत । श्री लड्काय् नीदा (२० वर्ष) तक तामिल आन्दोलन याड सत्ता लाककाय्गु ग्वसः असफल जुसेलिं अःया सरकारयात ख्याड काश्मिर काण्डयाता 'सकारात्मक खः' धाय्के बिल । सम्भवतः दा बदा लिपाहे जवरजस्ती भूटानयाता नं भारते हे गाभे याय्गु स्वइ । छाय्धःसा सुरक्षा, परराष्ट्र व सूचना सम्बन्धबारे भारतं विशेष सम्बन्धखे चिय् धुंकल । स्वाय धुंकल । उकिं लिपा भीगु देश नेपःया पःवइ । उकिं नेपाल काश्मिरया बारे नुमवासें म्हुतिइ धौ फिड च्वनेगुया अर्थ भीगु देश नं कःवादक बासालायो सःतय्गु थें जुइ । अथे विरोध मया त धःसा अःयाय्म्हा सरकार व शासक दलया नेतात भारतीय विस्तारवादया दलाल सावित जुई ।

खाँ न्यन्यं स्वकुमि दर्शकत छत्थुं हे वाल्ल जुल । थःगु दे मेपिसं काइगु योजना न्यँ न्यँ अमि मनय् काय् हाल । हि मि

चःपुथे गनां गनां भतिचा तः सलं हःगु ताय् दत । विश्वविद्यालय दुने भूगोल व इतिहासया पाठक्रम मतःगुलिं हे न्हूगुपुस्ता ख्युंथाय् पचिपचि याड वानेमःगुखः । थव सरकारया अकर्मण्यता खः । थुकिं कन्हैया भीगु देशे तुइजला वै मखु । फसं सांकगु वामा थें मनु त वाज्या क्वाज्या सान । सभा क्वचाल । सहभागीतय्गु ख्वाले तंया लबु हे दान । विद्रोहया मिब्बालां अमिगु ख्वः हयाउंसे च्वक गवात ।

श्याम प्रसाद छँ ल्याहाँ व बले सन्ध्याकःई जुय धुंकल । थौं या ज्या इवःखं वयागु मनय् अनेक खँया लबु थाड बिल । वयागु मने सार्क देशया नक्साया किपा व इतिहासया पौ छपा छपा संकिपा थें प्याखं क्यँ वल । छगू ग्या च्वःया लाखे प्याखं थें छगू विस्कं पहःया लू (दृश्य) लुमाड वल । राष्ट्रिय अखवारतय्पुं मालिक व सम्पादकतय्गु ख्वःलुमांक स्व स्वं अमिता चें दुने कूड यंकल । विश्व विद्यालय, धर्म, पत्रकारिता, राजनैतिक पार्टीतय्गु किपालुं वयाता चें चें धाय्क बिल । उकुस मुकुस याड बिल । देशया मायां भयब्युब्बू वगु वयागु मने कन्हे निसें सक्रिय पत्रकारिताया लाँपु ज्वनेगु अठोट यात । व थःता अले थःगु च्वसायाता स्व स्वं मनय् कथाल्हाक च्वन ।

त्वाल्य जलाखालापिनिपुं मचात गुम्हां याकचा, गुम्हां पुचःमुड भवै डाय्क, बाजा पुयागु अभिनययाड हाँयपुक च्वन । छँ हनेया उगु लू अले बाजा पूगुया सःथःगु हे छँ डःगु थें ताय्क च्वन । वं साहित्य व कलां गथे देशभक्त याय् फैं धाय्गु छपु च्वसु च्वय्गु मतिं टेबुल हःनेया मेचे फेतुत । छगू न्हूगु लाँपु लूगु थें । छगू न्हूगु जोश, थःके वगु थें मति तयो च्वंगु इलय् बैगले नं थःजहानं तःतः सलं सःत च्वन । 'बेली निं भपि भासँ-बेली निं भपि भासँ ।' स्वन्ह ताकी गःगं वया बिचःनं थाहाँ थाहाँ वड च्वन । देशभक्तिया ... ।



भाजपाया फासीवाद व (वडाराष्ट्र) तःहां छुइगु अहङ्कारवादयाता कुंखिड नेमकिपाया विरोध

ये, नेमकिपाया केन्द्रीय समितिया नायो नारायणमान बिजुक्छें (रोहित) जुया नायोलय् बुद्धबार केन्द्रीय सचिवालयया बैठक जुल । बैठक भारतया मोदी सरकारं सोमबार जम्मु-काश्मीर व अक्साई चीनया बारे यागु निर्णय व छिगु पला खं सार्क देशयाता भिमयाइगु ठहरयासें उगु ज्यायाता कुंखिड विरोध यागु दः । नेमकिपां भारतया उगु ज्याया विरोध याड छगू प्रेस वक्तव्य नं पिकाल-वक्तव्यखय् थथे च्वयो तःगु दः

प्रेस वक्तव्य

अलग्गहे भण्डा व फरक संविधान दःगु राज्य गुगुनं देशया अभिन्न अङ्ग जुय फैमखु । थुकाथं धाय्गु खःसा जम्मु काश्मीर भारतया अभिन्न अङ्ग मखु अले 'विशेष अधिकार' या अर्थ फरक राज्यया सम्बन्ध जक खः धाय्गु नं क्यं ।

नेपाल व भारत दशवीया 'विशेष सम्बन्धया अर्थ नेपाल मेगु जम्मु-काश्मीर मखु । नपां 'अक्साइ चीन' धाय्गु नामं हे व चिनियाँ तय्गु थाय् खः जक तप्यंक धाय् फः । आनाया थाय्, खुसी पहाड-पर्वतया नांनपां चिनियाँ भासं दःगुलिं नं थुकिता प्रमाणित याः । अले चीन व भारतं उगु (लागा) क्षेत्रयया सम्बन्धे इतिहासं त्वःत तःगु विवादित क्षेत्र जूगुलिं ऐतिहासिक तथ्य व प्रमाणया आधारे वार्तायाड जक निर्णय याय्गु समझदारी जूगु खः । अ 'अक्साइ चीन' ता भारतया केन्द्र शासन अन्तरगत तय्गु निर्णय खं चीन व भारतया दशवी जूगु समझदारी खय् घः लागू दः ।

भारतनपां स्वागु सार्क देशतय्गु सीमा लागाय् भारतं याइगु छगू छगू सैनिक गतिविधि सार्कदेशया जनतां भारतीय थिचोमिचो व विस्तारवादया अनुभव याड च्वंगु दः । उकिं सार्क देशया फुक्क प्रगतिशील व प्रजातन्त्रखय विश्वास याइपुं सकल जनतां भारतं छिड च्वंगु उगु विस्तारवादी पलाया विरोध याय् मः । भारतं जम्मु-काश्मीर व अक्साइ चीने यागु सैनिक कार्वाही शान्तिपूर्ण वार्ता समस्या समाधान याय्मः धाइपुं जनताया उद्देश्ययाता न्हुतुमत्तु न्हुगु खः । कुठाराघाट यागु खः ।

भाषा, धर्म, जाति व क्षेत्रया आधारे राज्य त्यल यंकेगु दुष्कार्य इटालीया मुसोलिनीया फासीवाद व जर्मनया हिटलरया नाजीवाद खः । नेपाल मजदुर किसान पार्टी भारतीय जनता पार्टीया फासीवादी व नाजीवादी नीति अले तःधां छुइगु (वडा राष्ट्र) अहङ्कारवादयाता कुंखिड विरोध याय् ।



गाईचा प्याख्या म्यें

भाद्र ९ या रव्युंणु ण्हि

- rGb\fb/ pns

दाजु-किजा तता-केहें पुं ।
अमा-अब्बा धवब्बा पुं
पीडागु सालं बवःगु भवखाः
लुमांकि छिकपुं ।१।

नेमकिपाया मनूत
दुखय् रवहाली ब्यू जुल ।
पंचायती सरकारया
चान्हय् न्ह्यौं मवल ।७।

जमदूत सिमदूत चाह्युवल
खवप देशय् ग्यौंपुल
हनेलाको मनूत ज्वड
सरकारं दुःख बिल ।१३।

मिरी मिरी, मिरी मिरी छँबा सान
फुकस्यां नुगःहे चिं चिं मिन
ध्वारारारा ध्वारारारा छँबा दुड
मनूत लहाड चवन ।२।

भ्रष्ट पंचते लिमलात
जाकि क्वाति इड जुल
भवखाचं छुं हे मजुपिता
कुपन ब्यू जुल ।८।

मनूत पिने जुयः मजिल
देश छगु ख्युंकल
उखें थुखें भुजिं भुड
देय् हे ना वल ।१४।

लाय् लाय्, बुल मनूत
हवाँय् हवाँय् खवल मचात
छँबां लहापुं मनुतय्ता
म्वाके मफुत ।३।

छँबा दुपुं हिडचाल
मनुम्हा तांपु, खवजुल
मजदुर किसान न्हांक छोय्ता
सरकारं जःगवल ।१।

अन्याय् यक्व जुयो वल
सहयां सहयाय् मजिल
खवपदेया तता केहेपुं
न्ह्युलं चाय्कल ।१५।

देनेगु चवनेगु थाय् मन्त
नय्गु पुनेगु चां लहात
मचाखाचाया प्वाथय् पित्याड
खवयां खवय् मफुत ।४।

भ्रष्ट पंचता ज्वड हल
जनताया दथि तय् हल
षड्यन्त्रकारी पंचतय्सं
मौका स्वःजुल ।१०।

भाद्र ९ या ण्हि धाल
सूर्ध दःसां चा जुल
महिला वर्ग सत्यया लागि
लवाय् सय्कल ।१६।

मां-बौ पिनि नुगःखवल
छभव छलुकु स्वःजुल
अत्याचारी पंचतय्सं
छुं हे मबिल ।५।

भ्रष्ट पंचता चाहुकल
नेपाखवः तय् न्ह्यो वल
यमराजया दूत वयो
भ्रष्टम्हा यंकल ।११।

जनतां ल्यपुं प्रतिनिधित
उखें थुखें बवक जुल
दालमोठ बजि प्वःप्वः ज्वड
इड ब्यू जुल ।६।

भ्रष्ट पंच हेकल
अस्पताल दुनेसं सीकल
नेमकिपाया पासा पिंता
ज्वड यंकल ।१२।

सफाइ सभ्यताया चिं ख :

खवप नगरपालिका

नगर कार्यपालिकाया कार्यालय
ब्यासी, खवप

खवप नगरपालिकां अडियो नोटिस सेवा
हचिकगुलिं नगरपालिकायागु सूचं व ज्या
भ्रवः क्वय् चवयतःगु नम्बरखय् डायल
यड न्यने फँगु खाँ फुकंसिता ब्याक
चवडा ।

Audio Notice Number :
१६१८०१६६१००९६

नेवारी महिना

नेपाली महिना

अंग्रेजी महिना

कछलाथव-कछलागा
थिल्लाथव-थिल्लागा
पोहेलाथव-पोहेलागा
शिल्लाथव-शिल्लागा
चिल्लाथव-चिल्लागा
चौलाथव-चौलागा
बछलाथव-बछलागा
तछलाथव-तछलागा
दिल्लाथव-दिल्लागा
गुँलाथव-गुँलागा
जलाथव-जलागा
कौलाथव-कौलागा

कार्तिक-मंसिर
मंसिर-पुस
पुस-माघ
माघ-फागुन
फागुन-चैत
चैत-वैशाख
वैशाख-जेठ
जेठ-असार
असार-साउन
साउन-भदौ
भदौ-असोज
असोज-कार्तिक

Oct.-November
Nov. -Dec.
Dec.-Jan
Jan-Feb.
Feb.-Mar.
Mar.-Apr
Apr.-May
May.-June
June-July
July-Aug.
Aug.-Sep.
Sep. -Oct.

cgnyj -cgnyfuf dndf; anhs
gkfnl j c#hl dlxgf gkf+yss apu'x]dlxgfo\
dnfokm ..
Yj ; fdfGo sfy+hs vM .

Itly j kGxl

प्रतिपदा	-	पञ्चमी	-	नवमी	-	तृयोदशी
द्वितीया	-	षष्ठी	-	दशमी	-	चहे(चतुर्दशी)
तृतीया	-	सप्तमि	-	एकादशी	-	औंसी
चौथी	-	अष्टमी	-	द्वादशी	-	पुन्ही

चवसु

गुन्ही पुन्ही, सापारु अले च्याचा गुन्हया साँस्कृतिक पर्व

✦ आशाकुमार चिकंबन्जार

साउन महिना पेखेरं वाउँसे च्वनिगु महिनातपां थी थी भक्ति भाव यायगु महिना काथं नं डाल वयो च्वंगु महिना खः । थुगु इलय अपलं शिवभक्तिया महिमा हालि । थःथाय् लिक्कया शिव वा महादेवया पूजा आरधना काथं सिलु (गोसाई कुण्ड) वानिगु महिना नं थुगु हे महिना खः, समुद्र मन्थनया इलय् प्याहाँ वगु कालकुट विष महाद्योवं त्वड संसारता रक्षा यागु धार्मिक धापु काथं कड वयो च्वंगु काथं नं गोसाई कुण्डया महत्व अप्वःगु खाने दः । सिलु वानेगु धायगु स्वनिगःया नेवः तय् लागिं तः धांगु पूण्यभूमि खः दक थी थी थासय् न्हिथाड तःगु दः । सिलु तिर्थया म्ये थुक्किया बांलागु दसुखः । गुकि 'सिलुतिर्थे म्वल ल्हुय अति पूण्य लाई' दक न्हिथाड तःगु दः । जुजु रणबहादुर शाहया पालय् नेम्हा तिपु सिलु वांबले प्रजाया मिसा जुजुं जर्बजस्ती यंकगु जुजु विरोधी म्ये अःनं जनमानसे उलिहे लोकं हवानी । यःक हःनि । विशेषयाड सोमबार शिवयापूजा याडगु चलन दः । थुगु महिनाय् अपलं व वडगुलिं भगीरथं स्वर्ग हःम्हा गडगायाता थःगु जताखय् फयो रक्षा यागुलिं अःनं उगु नाखं रक्षायो जक महाद्योया भक्तियाडगु खानेदः । अथेहे महाद्यो भःत लाय्मः धायो पार्वती व्रत च्वंगु महिना काथं नं कायगुया : । थुगु महिना ब्रम्हतयसं ज्वना (जनै)हिलेगु नं याइ । शास्त्र अनुसार साउनमास उत्तम मास खः । साउनया सङ्क्रान्तिसं सूर्य दक्षिणायन पाखे वानि । न्हि चिच्याहाड चाःताहाड वैगु क्रम माघया सङ्क्रान्ति तक जुइ । सावनया पुन्ही गुन्ही पुन्ही खुनु श्रवण नक्षत्र योग जुइ । थवहे



कारणं थुगु महिनायाता श्रावण महिना धाइ । अले श्रावणयाता साउन महिना जक धायगु यात ।

थव महिना भिंगु, शुभ महिनाजक धाइ । साउन निसें कार्तिक तकया प्यला चतुर्मासतक भिंगु महिना काथं कायो तःगु दः । थुगु प्यलाखय् न्हि छछा शुक्र सात्विक भोजन यात धःसा बांलाइगु शास्त्रे च्वयो तःगु दः ।

श्रावण खँवः श्रवण (संस्कृत) खँवः खँ वगु धाइ । थुक्किया अर्थःश्रवण अर्थात न्यनेगु । ऋषि मुनिपिसं द्योयाके ज्ञान कायो न्यड सकल मन्तयूता कानिगु महिनाकाथं नं थुक्किया कायो तःगु खः । उकिं हे बेदता श्रुति धायो तःगुःखः । उकिं थुगु महिनासं थी थी ज्ञान गुन व धर्म कर्मया खाँ न्यड दान पुण्य याड धर्मया मर्म थुइके मः जक धाइ ।

थजगु थी थी कारणं थुगु महिनाता मधुश्रावणी (तराई) धर्मया महिना व वाउँसे च्वनिगु ई जूगुलीं वाउँगु श्रावण (हरियो श्रावण) व चतुर्मासया

सुरु, गुंला धर्मया सुरु नपां बाजागाजा प्याखं नखाःचखाः न्हयाडगु हाँयपुगु महिना काथं डालकायो च्वंगु दः । उकिं थुगु महिना तस्कं उत्तम महिना जक धःगु जुई । थुगु हे काथं थव महिनाय् महाद्यो (शिव) या भक्त यायगु महिना काथं कायोत गु दः । श्रावणया सोमबार महाद्यो व दतात्रयया भक्ति याडपुं अपलं भक्तजनत दै । महाद्योतानं थुगु महिना तस्कं योगु महिना खः । उकिं सोमबार विशेष आरधना याड महाद्यो पूजा याइ । (थी थी पत्रिका व ग्रन्थ पाखं कायागु)

साउन महिना या थी थी नखाः मध्ये गुन्ही पुन्ही नं छगू खः । थुगु महिनासं गुलाँधर्म नं सुरुजुईगुलिं बौद्ध धर्म व हिन्दुधर्मया समन्वय व हिन्दू व बुद्ध धर्मया सहिष्णुता काथं प्यम्हा भगवान (नमोबुद्ध, बज्रयोगिनी, स्वयम्भू व बुडमति डाव्व लाःसा खास्ती) दर्शन यो वानिगु परम्पराकाथं अःतःक न्हयाड वयो च्वंगु दःनि । थुखुनुं खवपय्या जनता त कालदहचा, तिचा महाद्यो नपां भवँते



खप पौ

सिल्लुमाहाद्यो च्वंगु थाय् दक देके वानिगु चलन दः । गुन्ही पुन्ही, च्याचा गुन्हुतक मानेयाइगु काथं अःतक न्ह्याक वयो च्वंगु तस्कं लोकं ह्वागु नखा खः । श्व पुन्हीयाता विशेषकाथं माने याय्गु या थुकियाता ब्यांचा जानेकेगु पुन्ही काथं किसान तय्सं मानेयाड वयो च्वंगु दः । थुगुइलय् छँ सुचुकुचु याड सौ बाँ इल भाडाकुडा सिल विशेष परिकार ज्वरेयाइ । श्व क्वाति पुन्ही काथं नं धायो वयो च्वंगुलिं थुगु इलय् खप देशे उब्जनी जूगु गुता बुबः(कय्गु, चाना, बकुला, सिमी, भुति, मस्याड, लाजा, मुस्या छो/म्) तयो क्वाति दय्कि । अले छुचुमारी नं छुई । गुगु ब्यांचाजानक वानिम्हासिता बियो छ्वइ ।

अले ब्यांचाजानकेता अक्षतमारीख्य् सिन्का तियो वहे सिन्का ख्य् लै चक्का तियो ब्यांचाया न्ह्यकं काथं तयो यंकि । अले ब्यांचा लप्ते (फाँही या पाः) ख्य् जाया ग्वःजा तयो फाकं, जीसा, भुतिहः या कं-कं क्यँ तयो सिन्हंतिक जजंका तयो ब्वः तयो छुवै । उगुब्वः तुंथि, ल्वहँहिति, पुखु, द्योथाय् नं तानेगु (छाय्गु) याई । वा बुँया कुलाम्य् उगु ब्यांचाजानकेगु छायानिं बुई चाकहिल स्वयो क्वाति, मारी कलायाड छँ वइ । थुकियाता पन्योचा ताँ वानिगु नं धाइः ।

थुकिया अर्थ वः वय्केता हाल ग्वाहाली याइम्हा अले कीचा नयो बिइम्हा ब्यांचाता पुजा यागु जक धःसां विशेषयाड बुँस्वयगु हे मू हनि खः । अपलं व वयो दें त्वःधुल वाबुँ गाड च्वनला ? नाः बःवयो हाँछेगः दयो च्वनला ? वा चकः (घायँ) अपलं दतालाजक स्वः वानेया लागिं श्व चलन दय्क तःगु जुयमः । अले छँ वयो ला व जा नय्गु चलन काथं बः तानेगु काथं हे जुयमः । थुगु इलय् खपया पूर्वपाखे स्वयो च्वंगु गुपु ल्वहँ हिति सिइकेगु चलन नं दः । (सुर्जविनायके स्वपु,

भार्वाच्च, टिबुकुछँ, बुलुबुलु हिति, तःमाही, नासमना, भौध्वाका) किम्बदन्ती काथं खपया घिताडगिसी यमराजया दरवारे वानिगु आत्मायाता इवःपःछयाड विइगु घःसां श्व प्याखं ख्वायँ काय् सय्किगु न्हापांगु पला जुय्मः । उकिहे खप याता नाचगानया राजधानी जक धःगुःजुइ । छम्हा छम्हा मनूत प्याखं ल्हूय सःपुं व प्रत्येक त्वाल्य् बाःजा थाय् सःपुं दःगु लिं हे थुगु खाँ पाय्छी जुइक धयो तःगु खः । गुन्ही पुन्ही खुनुं लाकुलीया घेतांगिसी न्हापालाक है । गुगु धिंतांगिसी लक्षणयाय्गु जूगुलिं स्वयमःधायो तःगु जुजुया हुकुम माने याय्मःधायकाथं छयल तःगु जुयमः । थुकिं लिपा सातिखुनुं तिनी दुनियाया घेतांगिसी ह्य् दै । श्व जुजुया इलय्या थीति अः संस्कार व परम्परा काथं डाल वयो च्वंगु दः ।

वनं साति खुनुं अर्थात सापारू खुनुं दाच्छीया दुने सीगु छँनं साँचा दय्क घेतांगिसी तयो हैगु चलन दः । साँचा पेंगःपँ तयो दय्कि दकले च्वय् द्योकुसा, अले सुं दय्क तःगु डख, चमर, सांपाख्वः न्हयपचा, द्योगाचां चिड पलेस्वां तयो कपः दय्की सा, उकिं क्वय मरूम्हा मिजंम्हा जूसा तुइगु कापंहिड मिसाम्हा जूसा हाकू परासी (सारी) हिड दय्की । अले दश्वी जाँय् घड्गला तयो द्योया तस्वीरचात यखायो, ल्युने व हःने सीम्हा मनूया फोटो दःगु तस्वीर तय्गु चलन याड हल । प्यम्हासिं कुविइगु व नेम्हा सिं ताःहाक जनि ज्वड ताहामचा याता नियन्त्रण याड यंकी । अले सीगु छँया परिवार व थःपुं जःपुं धुं व धुपाँय् च्याक चाहिलेगु चलन दः ।

मचात सीसा टुकचा, तःहीपुं सीसा ताहासाँ यंकिगु चलन दः । अले चायाम्हा साँ (मिजंम्हा द्रहँसाँ व मिसाम्हा मरूगु खःसा मासाँ दय्क चाहिकिगु नं या । अले धात्थेया मासाँ नं चाहिकिगु

या । अथे हे कन्या (महिनावारी मजुनिम्हा कुमारी) मचायाता समायाक बासा लाय्किगु धक चाहिकेगु नं या । नपां मनूयाता महाद्यो व पार्वती याड समायाक हइगु नं याः । अले थुजागु गाईजात्रा (सापारू) चाहिइकी बले घिताडगिसी धःसा ताहा साँ ख्य् जक ल्हुइक हइगु या । घिताडगिसीख्य् न्हापा न्हापा हेलाजात्रा धायो मिजंत हे मिसा तय्थे वसपुड मिसात जुयो वैगु लि अः मिसात हे नं घिताडगिसी ल्हूयो वय्गु याता । श्वँ अयला त्वड प्याखं ल्हुइगुलिं ल्वापु याइपुं नं खाने दःगुलिं धात्थे खःगु हतियार ज्वड प्याखं ह्य्मरूगु प्रशासनं छँ दाँ हाँ नियम दय्कगु खःसा खप नगरपालिकां गाईजात्राया प्याखंया मूल्याड्कन याड सिरपानं देछायो संस्कृतियाता विकृति याके मवियगु कृतः च्वछाय् बहःगु दक जनमानसं धायो च्वंगु दः ।

थुगु इलय् भण्डै खपया फुक्क पुलांगु सांस्कृतिक प्याखं त पिता है । थुकिया निंतिं मुख्य बाजा पछिमा, लालाखिं व तँ थाय् मः । तर थुगु बाजा थाइपुँ कम जुसेलिं अः धिंताडगिसी ख्य् धाँ, धिमाय् थायगु याडहःगु दः । उगु बाजा छयल हःगु तःदा धःसा मरुनि । अले पुलांगु सांस्कृतिक प्याखंन्य धःसा लालाखिं, तँ, पछिमा हे जक थाइ । नपां गुन्ही पुन्हीया म्येदक थथे हाली ।

‘ताहामचा गनातय् ग्वाखं प्वाले तय् । ग्वाखं प्वाले मन्हयोसा खुसीं चुइक छोय् । दक मचात निसँ बुढाथेक म्ये हालिगु चलन अः विस्तारं तड वान । अले मचा तय्सं अय् साँचा जिता च्वय भः खाला ? दक हिस्याड च्वनिगु नं अः भण्डै मदयो हे वान । अले अपः सिनं दान याय्मः धायो चिच्याग्वःकय्गु फोया, तुसी व पासी दान याड नकेगु याइ । थाय् थासय् नाः त्वंकेता तयो तःगु व नाः घः ज्वड नाः त्वंकिपु नं दः । श्व छगू संस्कृतिप्रतिया



खवप पौ

माया व थःगु नेवः पहया म्हासिका पिब्वयो च्वंगु खः दक धाय् फः । अले गुलिसिया गुलिसीता धाय्गु ल्याखाय्गु काथंया दान याय्गु मतिं साँ पतिं चाकुमारी (माल्पा) दान विय्गु नं याइ । अःउकिया पलि बिष्कुट, जुस आदि बिय्गु यात ।

ताहासाँ ह्य् न्हयो सुयां महःबले यमराजं ताहा साँ हङ्गुलिं सुथाय् त्यलं स्वयमज्यु दक बुहाबुही धायो तःगु खाँ खय् सत्यता मालेगु स्वयो न्हिच्छीया दुने फुक्क सीगु छेयाय् पिनि साँ ह्य् धुंक दकले लिपा लाकुलाछँ व लयक्वय्या पिसं सुयाय्महा सुती भैलया ताहासाँ नपां उगु लागया सीपिनिगु साँ तयो ग्वःमहा दः वःमहा साँ भैल द्यो या ल्यूने छसिकाथं थाकालिपुं मिजं तय्गु साँ व वनं लिपा थाकालिमहा मिसातय्गु साँ तयो है सा दकले लीपा नकिंजु अजिमाया ताहासाँ तयो है । थ्वहे क्रम त्वालयाय्गु नपां साँ हैबले वहे क्रम काथं तयो है । साँचादयके धुंक वपुं सकसितां तस्कं बांलाक भवै नकि । अः थ्व नं अपलं खर्च जुङ्गुलिं सीम्हासिया परिवारपिन्ता तस्कं थाकुयो वयो च्वंगु दः । धिंताडगिसी यंकेमःगु बाध्यता मखुसां अः प्रतिस्पर्धाकाथं डालकायो अपलं धेवा खर्च याड च्वंगुलिं नं विचःयाय् मःथे च्वं । गुकिं नामे च्वने धायो गामे वाने मालि दक पुर्खा धायो तकथे मजुइदक धाय् फै मखु । अले म्हयाय् मचां थःमां बौया लुमन्ति ख्वयो स्वगं विङ्गु व थःपुं नं सीम्हा लुमांक ख्वयो विचः हाय्किगु अले वयागु नामे धौबजी, कय्गु, तुसी, पासी दान याड विङ्गु । अले प्याखं ल्हुइपुं बाजां थाइपिन्ता नके त्वंके धुंक न्हयाकगु ताहासाँ नपांया धिंतागिसी थःमहा मूलम्हा द्यो चाहिइकी । चादांके धुंक छँ थ्यंका साँ स्यंकांनिं डख सापाख्व खुसी चुइक सीम्हा मनूया श्रद्धा यासँ क्वचाय्की ।

सापाख्या सातिखुनु थाक्कुइगुलिं

दिक्ु धाइ । उबले फाकं ज्वड अगुँल इया इया पं 'धाधां फाकंकुयो देशे च्वयक वै उकिंलिपा हेला जात्रा धायो दाच्छी तक्या मगाःमछिं व विकृतिया ख्याल, प्याखं, हुला प्याखं, गाईचा, इयाउरी, नपां पुलांगु भैलः, देवी, नागाचा, लुसिप्याखं, फाकंदली लगायतया प्याखंत पिब्वइ । मेबले धायगु अधिकार मरुसां



गाईजात्राबले ख्वःपा पुयो धाइगु जूगुलिं तंचाय् मरुजक मनयाखाँ प्वकिगु चलन दः । थुकियाता जनताता सचेत याय्गु काथं ख्वपय् राजनीतिक चेतना थानेगु काथं हिंसी, ख्याली स्वयो राजनीतिक खाँ कानेगु राष्ट्रिय अन्तर्राष्ट्रिय घटना थुइक बियगु काथं छ्यल वगु खः । नपां धिंताडगिसी याता नं राजनीतिक चेतना वियगु व राष्ट्रिय अन्तर्राष्ट्रिय घटनायाता पिब्वयो राजनीतिक चेतना वियगु ज्या नेमकिपां सुरु यागु खः । उकिं गाईजात्राया सडक नाटक (लाँ प्याखं) छगू राजनीतिक कक्षाथे उपयोग यागुलिं उबलेया सरकारं गुलि कार्यकर्ता तय्ता ज्वड कुने यंकगु घटना अःनं लुमाड्के बहःजु । वर्गीय भावं प्याइगु स्वाभाविक जूगुलिं थुकियाता नं वर्गीय संघर्ष काथं छ्यल वःगुया अनुशरण विस्तारं मेपिसंनं डालकःगु खः धसां सायद पाइ मखुजुई । थुगु हे ज्यायाता

लिधवाःसा बियकाथं ख्वप नगरपालिकां तःदा हाँनिसें पुलांगु न्हूगु विधायाता धिं धिं बल्ला याड थाय् थासे च्वड मूल्याङ्कन याड आर्थिक ग्वाहालीकाथं सिरपा बियो वयोच्वंगुया प्रशंसा चाकभनं याड च्वंगु दः । नपां थुगु च्वछाय् वहःगुज्या अपलं थाय्, पुचः व संघ-संस्थां डाल कायो वयो च्वंगु खाने दः ।

संस्कृति सं छम्हा ब्यक्ति, अले जातियाय्गु पेवा मखु । 'पुर्खा दयक तकगु संस्कृति भीगु कला व संस्कृति' दक ख्वप नगरपालिकां धायो वगु व वहे काथंया ज्या याड वयो च्वंगु थुकिया छगू क्वातुगु दसु खः । सभ्यताया पर्व गय्गु इवल्य् भ्नासुलांक दिड च्वंबले सिमाक्वय्, फल्चाय् वा गनां सिचुगु थासय् च्वंबले मनूया म्हुतुं-पिज्वयो छम्हासें मेम्हासिता म्येँ हाल, प्याखं ल्हुयो अले जड्गली पशु तय्गु नक्कल याड म्हेवैय्खा, धुँ, भालु, माक प्याखं, सिंह, शेर, हनुमान आदि प्याखं व मनूया कल्पनां भ्यु बियो पिब्वःगु भैलः देवी प्याखंनपां थी थी हिंसीख्याली हुला प्याखं ल्यंक तय्गु भीगु म्हासिका ल्यंक तय्गु खः धाय्गु मति तयमः ।

(थुगु च्वसुया निंतिं ग्वाहाली ब्यम्हा पासा हरिकृष्ण दनेगुलु व मेपुं पासापिन्ता सुभाय् देछायो च्वडा)

हाय व जिगु दे

० भाजु सूर्यबहादुर पिवा

मांया सेवा थौतक माःगु
याय व मफुनिगु चाः थ द्रंगु
स्वंगू देया छगू व देशय्
लुमनि म्हितागु खौमा त्वालय्
हाय व जिगु दे ! जि बूगु ख्वप दे !!

नान्दीदेवं हःम्ह तलेजू
नादं दत्तात्रय द्योछे दु,
चीभाः, मन्दिर, मस्जिद अन दु,
दुनिथे च्वंगू दे-धवाका दु,
हाय व जिगु दे ! जि बूगु ख्वप दे !!

योसिं थनेगु जान्ना याःनि,
डालाकेगु चलय् तुँ जूनि,
त्वाः त्वाः पतिकं द्योछे दःनि,
सूर्यविनायक चंगू दःनि,
हाय व जिगु दे ! जि बूगु ख्वप दे !!

डयडापा भ्याः, डातापोल्हः,
तःपुखू दु अन, बागमति खौह,
जीर्ण जुया वन पुखू-तुँ ब्बंगाः,
बहाःदबू-त्वाः विस्मृत जुल आः
हाय व जिगु दे ! जि बूगु ख्वप दे !!

तर थौतक अन हे तिति खासा
नेपा सांस्कृति, नेपा भाषा,
उकिं व पुलांगु दे थें च्वनि,
ख नं व पुलांगु दे हे खःनि,
हाय व जिगु दे ! जि बूगु ख्वप दे !!

पश्चिम पाखें वल फय् मेगु,
जुल थुगु नेपा व फसं न्हुगु,
तर ख्वप महिउनि थौतक हे नं,
हिलिगू लक्षण मदुनि कन्हय् नं,
हाय व जिगु दे ! जि बूगु ख्वप दे !!

चिनाखें

आस्थाया शिलान्यास

- काशीराम विरस

आस्थाया कालबिलय्
ग्व जिं छु फवने
थःथितिपिं नापं
श्व आस्थाया प्रतिस्थलय् ।

बुलुगु लः
बुलुगु स्वतन्त्रता
बुलुगु आस्था
सुयात यइ
अहँ जितः नं मयः ।
तर अफसोच,
आस्थाया कालबिलय् बुलुगु लःनापं
बुलुगु आस्था ल्वाक ज्याःवःगु दु ।

आस्थाया लुमन्ति जीवननापं स्वानावःगु दु
छगू बुलुगु अध्या धुंकाः
यचुगु स्वच्छगु न्याचुगु
आस्थाया शिलान्यास जुइ ।
ताल्लाया म्हुकंचा थें उखें थुखें
बुलुगु आस्थायात लःल्हाना बिइ
आशाया छफवः स्वां ह्वइ
स्वांया स्वांहः
यचुगु आलय् हाया वयाचवनी
छगू हिसि दुगु आस्थाया भिंगु बुन्हिइ ।

शिक्षा अन मरु, -जागृति छपति,
चीमि जुयां चवन सकलें-कपति,
जातय् वास्ता अन अतिकं दु,
अनेकता अन हरेक छेय् दु,
हाय व जिगु दे ! जि ब्रू ख्वप दे !!

समय-प्रवाहय् माःभी न्ह्याय,
मन्ट्यात धाःसा स्यन भी धाय्,
अथे जुयाला ख्वपेत हाय !
गालय् लाना जुल असहाय,
हाय व जिगु दे ! जि ब्रू ख्वप दे !!

बल्लापिं अन छम्ह हे मंत,
वःसां यक्को तन्त्र व मन्त्र,
मरुनि मिखा अभ्र अन चर्वपिके,
फइ गुम्हास्यां खःउगु दे भिके,
हाय व जिगु दे ! जि ब्रू ख्वप दे !!

नेता अन थौं छम्ह हे मरुनि,
फुकस्यां श्वयात हेप्य याःनि,
मन तय थाय दु छता थुकिं छुं,
'जुइ मखु धायगु सदां व हे तुं'
हाय व जिगु दे ! जि ब्रू ख्वप दे !!

मरु ज्या अन थौं यायत छुं नं
नय माः न्हि-न्हिं ज्या मरुसां नं
यको मनुखं तोता ख्वप दे
चवन तिनि थौं नं मयासे सत्य
हाय व जिगु दे ! जि ब्रू ख्वप दे !!

नेपा देया पुलांगु राज्य
ख्वप दे धयागु न्यनेदु गय खः ?
'पालंपाः जिइ सकलें धाःगु'
खः जक खःला जुय हे माःगु ?
हाय व जिगु दे ! जि ब्रू ख्वप दे !!

नाला, सांगा, गुंदु, कतुंजा,
नर, थिमि, मनरा, सांको, ल्हास्पा
ख्वपदेयागु दक्को गामय्
हिति, मत, लँपु मरु-मरु छुं-छुं हे,
हाय व जिगु दे ! जि ब्रू ख्वप दे !!

मुख्य छु धासा ए खः पासा !
तोते मजिउ हँ यायगु आशा,
भिनि -जिइ सकस्यां थःगू कर्म,
कर्म-भावना वइ हां धर्म,
हाय व जिगु दे ! जि ब्रू ख्वप दे !!

मांभाय-मां वुँ मां ति खनेमाः
मखुसा ज्या अन जुइमखु छुं छां,
जगतय् जनतां याइ सुधार,
थःगु धर्मका हां आधार !
हाय व जिगु दे ! जि ब्रू ख्वप दे !!

(१९-१०-०११ स)

(नेपाल भाषाया भाषिक अनुराग, माया ममतां अपलं
भाषाप्रेमीपिसं मन्य प्याक, थुकियाता थःगु अमूल्य ई जक मखु
सर्वस्व पाड वापुं भाषा जुव : पिनिगु ज्याया किचा गनां नाःखय बुट्टा
कियगु थें याड तांक छवगु दः । गुलिं दुकुटी तयगु बानी मरुगु अले
रेकर्ड तयगु अवस्थानं मरुगु ईलय् नं गनां खुसी बःलं तः क्यंक तःगु
धिसःथें ल्यड च्वंगु थासं लिकायो ह्यो जनताया हःने इतिहास काथं
पिब्वयगु ज्यानं बांलाइगु हे मति तयो श्व 'ब्याहाँ' चिनाखँ मुना या
चिनाखँ त हकनं छक छपु छपुयाड ख्वप पौ सं छापे याड जनताया
हःने लिमुल केनेगु मति काथं पला न्ह्याकागु जुल । वि.सं. २०११/१२
साल ने.सं. १०७५ स थुगु ब्याहाँ चिनाखँ मुना ख्वपया जागरुक युवा
त मुड नेपाल साहित्य मन्दिर ख्वप पाखें हानेवहम्हा च्वमि भाजु
सूर्य बहादुर पिवाया नायोलय् पिकःयो तःगु खाने दः । हाने बहम्हा
कविवर सिद्धिचरण श्रेष्ठया मन्तव्य सं ख्वप यायपुं नव युवक वर्ग
पिनिगु थुगु ज्या याता प्रत्येक नेपालीं धन्यवाद सहितगु प्रशंसायाइ
धायगु आशा जक मखु विश्वास नं याडतःगु थुगु चिनाखँ मुना बियो
दयूम्हा हानेबहम्हा साहित्यकार भाजु तेजेश्वर बाबु र्वंगः जुयाता
अपलं सुभाय् देछायो च्वडा । सम्भवतः ख्वपयुनं पिहाँवगु पुलांगु
चिनाखँ मुना मध्ये थुगु 'ब्याहाँ' नं जुइ धायगु मति नं तयो थुगु
चिनाखँ मुनाया चिनाखँ त छसिकाथं छापेयायगु सौभाग्य चूलाक
ब्यगुलिं अपलं सुभाय् देछायो न्हापांगु चिनाखँ सूर्य बहादुर पिवाजुया
'हाय व जिगुदे' चिनाखँ छापेयाड च्वडा । उगु इलय्या ख्वपदेया
किपा थें जःगु अले अःया ख्वपदे गुलि पाता ? ब्वड ब्वनामिपिसं
मति तैगु आशा काया ।-सं.)

खप नगरपालिकाया ज्या भवः त

लाहातय् ज्या दःपुं गुब्लें दयांलाइ मखु-

२०७६ साउन ११

भक्तपुर हस्तकला संघया गवः सालय् जूगु हिंडान्ह्या निःशुल्क छावालीकला तालिम क्वचःगु ज्याइवसं मू पाहां खप नपाया प्रमुख सुनिल प्रजापतिजुं लाहातय् ज्या दःपुं मनूत गुब्लें दयांलाई मखु धायो दिसें खप नगरपालिकां खपपया ल्यासे-ल्याम्होपिन्ता लाहातय् ज्या दइगु सीपमूलक तालिम बियो चवंगु, थुगुसी नेपाल भ्रमण वर्ष २०२० याता ग्वाहाली जुइकाथं 'भक्तपुर महोत्सव' याय् ताडा गुलिं कलाकार पिसं ग्वाहाली याय्मःगु व सम्पदा ल्यंक तय्ता यें, यलया साँस्कृतिक महन्वया पुखुत दय्केता प्राविधिक ग्वाहाली याड चवंगु खाँ कड दिल ।

उगु ज्या इवः सं भक्तपुर हस्तकला संघया कार्यकारी नायो रमेश प्रधान, नेपाल हस्तकला महासंघया न्वकु दिपेन्द्र शाक्य, उद्योग वाणिज्य संघया राजुमृगेन्द्र जोशी, भक्तपुर घरेलु साना उद्योगया नायो बिरिन्द्र जति, नेपाल सेरामिक्स संघया निवर्तमान नायो दिल कृष्ण प्रजापति, प्रशिक्षक सीताराम गोसाइँ, प्रशिक्षार्थी पाखें सिताराम दिदिया, भक्तपुर हस्तकला संघया कजि शम्भू श्रेष्ठ नं नुवाड द्यूगु खः ।



उगु ज्या इव सं थी थी हस्तकलाया सामग्रीत ब्वयो तःगु नपां पुलांम्हा न्हयलुवा कलाकार पूर्णलाल कुचुमनिजुयाता दोसल्ला ड्यूक प्रमुख अतिथिजुं सम्मान याड दयूसें प्रशिक्षक व प्रशिक्षार्थीपिन्ता लय्ता पौ लःल्हाड दिल ।

खप इञ्जिनियरिङ्ग कलेजया विद्यार्थीपिन्ता छात्रवृति लःल्हात

२०७६ साउन १२ गते आइतबार

खप नगरपालिकापाखं न्हयाक वयो चवंगु खप इञ्जिनियरिङ्ग कलेज व खप कलेज अफ इञ्जिनियरिङ्ग कलेजे थी थी निकाय ब्वड चवंगु गरिब व जेहेन्दार विद्यार्थीपिन्ता कलेज ब्यवस्थापन समितिया नायो नपां खप नपाया प्रमुख सुनिल प्रजापतिजुं छात्रवृति लःल्हाड दिसे शैक्षिक क्षमता व पारिवारिक आर्थिक स्थितियाता ध्यानतयो छात्रवृति लःल्हाडागु खाँ कड दिल ।

वयकलं इञ्जिनियरिङ्ग कलेजे ब्वनिपुं विद्यार्थी त अनुशासित जुयो तस्क बांलाक ब्वड देशविकासया ज्याइवःलय इमान्दार जुयो ज्या सानेमः धायोदिल । भीगु कलेज नाफामुखी मखुसं सेवामुखी भावं न्हयाक चवडागु खाँ नं वयक ब्याक दिल । अथेहे कलेज ब्यवस्थापन समितिया उपाध्यक्ष नपां खप नगरपालिकाया उपप्रमुख रजनी जोशी जुं देशविकास याय्या निति योग्य इमान्दार पुं इञ्जिनियर मःगु खाँ कड दिल । उगु ज्या इवः सं

कलेज ब्यवस्थापन समितिया दुजः नपां वडा नं ९ या वडाध्यक्ष रबिन्द्र ज्याख्व, खप कलेज अफ इञ्जिनियरिङ्गया प्राचार्य सुनिल दुवाल, खप इञ्जिनियरिङ्ग कलेजया प्राचार्य सुजनमाक, खप इञ्जिनियरिङ्ग कलेजया उप-प्राचार्य रबिन्द्र फौजु व राजन जतिजु पिसनं नुवाड द्यूगु खः । उप्रमुख रजनी जोशीजुं खप इञ्जिनियरिङ्ग कलेजया १८ म्हा व खप कलेज अफ इञ्जिनियरिङ्गया १४ म्हा याड ३२ म्हासिता २० लाख बराबर या छात्रवृति लःल्हाड दिल ।

खवप नगरपालिकाय् कौशलटारय् च्वंगु ग्लोबल स्कूलया मस्तय् सं अवलोकन

२०७६ साउन १२ गते आइतबार

कौशलटारे च्वंगु ग्लोबल स्कूलया ६ गू ७ गू तगिया विद्यार्थीपुं खवप नगरपालिकाय् अवलोकने वयो खवप नपाया प्रमुख सुनिल प्रजापति व उपप्रमुख रजनी जोशीजु नपां जूगु अन्तरक्रिया ज्या इवःसं प्रमुख प्रजापति जुं खवप नगरपालिका खवपया जनताया दकले नजिकया सरकार जुगुलिं जनताया समस्या न्हांकेता हज्याड ज्या साड च्वंगु नगरपालिका खः धायो दिल । अथेहे उपप्रमुख रजनी जोशी जुं साँस्कृतिक व ऐतिहासिक महत्वं जःगु पर्यटकीय गन्तव्य खः धायो दिल । थुगसी नगरपालिकां याड



च्वंगु विकासया ज्यात छसिकाथं कड दिल । शाखा-उपशाखाय् वाड शाखागत जानकारी अध्ययन भ्रमणे वपुं ३५ म्हा विद्यार्थी पिसं नं कःगु खः ।

शिशु स्याहारया शिक्षिका पिन्ता पुनर्ताजगी तालिम



अथेहे खवप नगरपालिका पाखें न्ह्याक च्वंगु शिशु स्याहार केन्द्र या शिक्षिका पिन्ता पुनर्ताजगी

तालिम विइगु ज्या इवः या उलेज्या यासैं मू पाहाँ अले खवप नगरपालिकाया प्रमुख सुनिल

प्रजापतिजुं मस्तय् ता बांलागु संस्कार स्यनेमःगु व जनताया विश्वास त्याक ज्या सानेमःगु सल्लाह बियोदिल । खवप नगरपालिका पाखें न्ह्याक वयो च्वंगु शिशु स्याहार केन्द्र नमूना काथं न्ह्याकेता तालिम न्ह्याकगु खाँ कड दिसे आचार संहिताया ज्ञान दय्के मःगु खाँ कड दिल । उगु ज्या इवःसं वडा नं ९ या वडाध्यक्ष रविन्द्र ज्याख्व वडा नं ७ या वडाध्यक्ष उकेश कवां, शिशु स्याहार व समाज कल्याणया शाखा प्रमुख दिपेन्द्र प्रजापतिजुनं उपस्थित जुगु खः । उगु ज्या इवःसं प्रमुख प्रजापतिजुं प्रशिक्षकपिन्ता तालिमया सामग्री लःल्हाड दिल ।

स्वप नपाय् कन्काइ नपाया प्रमुख राजेन्द्र पोखरेल जु नपालः भाल

२०७६ साउन १५

स्वप नपाया प्रमुख सुनिल प्रजापतिजुं नपां भ्रापा जिल्ला कन्काइ नगरपालिकाया प्रमुख जु नपालः भ्रायो नेगू नगरपालिकाया आगामी योजना, नगरपालिका सञ्चालन, नपां थी थी विषय थःथःगु अनुभव काडः दिल । उगु नपालाय्गु ज्या इवल्य् स्वप नपा प्रमुख प्रजापतिजुं स्वप नपां न्ह्यगु कलेज व छगू मा.वि. नपां सिटिइभिटी पाखं मान्यता दःगु स्वप बहुप्राविधिक अध्ययन संस्थान चलेयाडः च्वंगु व उगु संस्थापाखें हेल्थ असिस्टेन्ट व आर्किटेक्चर न्ह्याकेता छलफल जुयो च्वंगु खाँ कडः दिल । वयकलं स्वप नपां न्ह्याक च्वंगु कलेजे देशां देछिया विद्यार्थी पिसं दांक गुणस्तरीय शिक्षा कयो वयो च्वंगु, नपां गरिब व जेहेन्दार विद्यार्थीपिन्ता छात्रवृत्ति नं बियो वयो च्वडागु, नगरदुनेया फुक्क विद्यालयया छगू, नेगू खुगू व न्ह्यगु तगिया विद्यार्थीपिन्ता स्थानीय पाठ्यक्रम दय्क, लागु याडः । विद्यालय तहंसिं हे भूगोल, राजनीति, कला, संस्कृति व सम्पदाया ज्ञान विय्गु मतिं ज्यासांगु खाँ कडः दिल । वयकलं नगरपालिकाया आम्दानीया स्रोत स्थानीय जनताया कर व पर्यटन खः धायो दिसें स्वप नपां नेथाय् आवास योजना न्ह्याक च्वंगु, स्वप अस्पताल दय्क च्वंगु, त्वेनेगु नाःया ब्यवस्थाया लागिं थाय् थासय् डीप बोरिङ्ग याडः नाःट्यांकी दय्क च्वंगु खाँ नं ब्याक दिल ।

उगु नपालाय्गु ज्या इवसं कन्काइ नगरपालिका प्रमुख



राजेन्द्र पोखरेल जु कन्काइ नगरपालिका न्हगु जुगुलिं स्वप नगरपालिका पाखें सय्के चाहे जुगु व थानाया विकास निर्माणया ज्या देश भरया लागिं डालकाय् बहःगु खः धायोदिसें उगु नपां नं सिटिइभिटीया मान्यता प्राप्त याडः पोलिटेक्निक कलेज न्ह्याकेता कुतः याडः च्वडागु खाँ कडः दिल ।

उगु ज्याइवःस उपप्रमुख रजनी जोशी, प्रमुख प्रशासकीय अधिकृत यामलाल अधिकारी, प्रशासकीय अधिकृत दामोदर सुवाल लगायतपुं उपस्थित दःगु खः ।

२०७६ साउन १५

स्वप नगरपालिकाया नियमित सरसफाइ

काथं महाकाली परिसरे सुचुकुचु ज्या इवः न्ह्याकल । उगु ज्या इवःसं जनप्रतिनिधि,

कर्मचारी लगायत स्थानीय जनतात मुड सुचुकुचु यागु खः ।

गाईजात्रा व्यवस्थित याय्ता तार, निर्माण सामग्री चिडके वियगु निर्णय

२०७६ साउन १६

२०७६ सालया सापारु (गाईजात्रा) बाँलाक व ब्यवस्थित काथं चाः दांकेता उगु थासय्या अव्यवस्थित काथं तयो तःगु तार मपांक तय्केता सम्बन्धित मनूतय्ता चिडके वियगु, सापारु ज्वःछि नगर दुने ट्राफिकया ब्यवस्थापन बांलाकेगु मछिगु विद्युत तार, टेलिफोन केबल नेटवर्क व इन्टरनेट सेवाया तारतः काथंछिंक तय्केया लागिं भनपा वडा नं ९ या वडाध्यक्ष रबिन्द्र ज्याख्वया कजिख्य



सरोकारवालातनं द्रुतिड, हिम्हा सियागु छगू स्वप न.पा. या प्रमुख सुनिल प्रजापतिजुया कार्यदल दय्क जिम्मा बिल । उगु बैठक नायोलय् जुगु खः ।

स्वन्हुया कःसी खेतीया तालिम बिल

२०७६ साउन १७

स्वप नपा या प्रमुख सुनिल प्रजापति जुं वडा नं. ९ या ग्वसालय जूगु ९ वडाबासीपिन्ता बिइगु स्वन्हुया कःसि खेतीया उलेज्या याड दिसें लाहातय ज्या दःपुं द्यां मलाइगुलिं स्वप नगरपालिकां तालिम न्ह्याक वयो च्वंगु व फोहोर मैला थासय् लाकेगु काथं छँनं प्याहाँ वइगु ध्वगिइगु फोहरत सःदय्क छँ कःसि खेतीखय् छयले फैगु योजना या खाँ कड दिल ।

वडाध्यक्ष (९) रबिन्द्र ज्याख्व जुं ध्वगिइगु व ध्वमगिइगु फोहरयाता हकनं छयले फैगु खाँ कड दिल । उगु ज्या इवःसं भ.न.पा. कार्यपालिका सदस्य छोरी मैयाँ सुजखु, कःसि खेती तालिमया प्रशिक्षक



शेषनारायण महर्जन, स्वयमसेविका परिचालन समितिया नकिं सन्तेमाया गाईजु व दुजः दयालक्ष्मी प्रजापति जुनं थःगु खाँ तयो दयूगु खः । उगु तालिम साउन १७, १८, १९ गतेतक न्ह्याइगु खाँ ग्वसाखलं जानकारी ब्युगु खः ।

सरकारया ब्यवहार कानुन सम्मत मजुगु

२०७६ साउन १७

स्वप नपाया प्रमुख सुनिल प्रजापतिया मू पाहाँलय् आ.व. २०७५/७६ सं वडा नं १० खय् जूगु प्रगति विवरण वडाबासीपिन्ता जानकारी वियगु मतिं न्ह्याकगु ज्या इवःसं स्वप न.पा. शिक्षा स्वास्थ्य, सरसफाइ व विकास निर्माण व सम्पदा म्वाक तयगुलि



महत्वबियो ज्या सड वयो च्वंगु खाँ ब्याक दिल । नपां वयकलं नगरपालिका नगरबासी पिनिगु थःगुहे संस्था जुगुलिं वयक पिनिगु सुभावायता हःने तयो ज्या सानेगु खाँ धवाथुक द्यूसें भीगु नगर प्राचीन नगर जूगुलिं पुलांगु पहलं छँ दाड भीगु म्हासिका ल्यंक तय् मःगु खाँ कड दिल । वय्कलं समायोजने छोयोहःपुं कर्मचारीपिन्ता स्थानीय तहं हाजिर मयाकसा अनुदान रोके याय्गु बैक खाता रोके याय्गु संघ सरकारया धम्की व ब्यवहार कानुन सम्मत मजुगु खाँय् कुंखिड दिल ।

वडा नं १० या वडाध्यक्ष लक्ष्मी प्रसाद हयोंमिखा जुं आ.व. २०७५/७६ या लागिं ५० लाख बजेट विनियोजन जुगु, वडाबासीपुं उपभोक्ता समिति च्वड विकास निर्माणया ज्याखय् ग्वाहाली याड दिय्या नितिं इनाप यासे वडाया प्रगति प्रतिवेदन प्रस्तुत याड दिल ।

उगु ज्या इवःसं पूर्व वडाध्यक्ष चन्द्रबहादुर उलक वडा सदस्यपुं ज्ञानकुमार मगजु व जितेन्द्र मुनंकमी, वडा सचिव गोविन्द राम थुसा जु नं नुवाड दयूगु खः ।

नवउदारवादया महाजालय् नेपाल सरकार

२०७६ साउन १८

नेपाल मजदुर किसान पार्टीया टोखा नगर समिति या नेकगू नगर सम्मेलनसं नेमकिपाया केन्द्रीय दुजःसुनिल प्रजापतिजुं विदेशी लगानी दुताहय्गुया नामय् नेपाल सरकारं विदेशी तय्ता काथं छिनिगु काथं कानुन दय्क नेपाली बजारे साम्राज्यवादी तय्ता खापा चाय्क ब्यूगु खाँ न्हिँ थांसे साम्राज्यवादी तय्सं लबःया नितिंहे लगानी याइगुलिं भूगु चिच्याहांगु अर्थ तन्त्र दःगु देशे तस्कं होशयाड जक विदेशी लगानी दुकाय् मःगु खः धायोदिल । अथेहे वयकलं ठेकेदारपिन्ता थासय् हय्गु मतिं दय्कगु सार्वजनिक खरिद नियमावली ठेकेदार तय्गु आन्दोलनया धम्की ग्याड लिताकःगु आत्मसमर्पण खः धायोदिल सरकार या थजगु गतिविधिं नेपाल सरकार नवउदारवाद व ठेकेदार तय्गु महाजालय् लाड च्वंगु बांलाक सिय् दः धायोदिल ।

अथेहे नेमकिपाया मेम्हा केन्द्रीय दुजपुं नारायण महर्जन,



सनकमान महर्जन पिसं नं सरकारया बांमलागु ज्याया कुखिड दिलसा स्वप नगरसमितिया नायो नारायणबहादुर दुवालजुं सार्वजनिक सम्पति ल्यंक तय् मःगु खाँय बःबियो दिल ।

सिद्धिस्मृति बाल अस्पताल व जनस्वास्थ्य केन्द्र च्याम्हासिङ्गे अनुगमन

२०७६ साउन १९ गते

स्वप नगरपालिका अनुगमन समितिया कजि राजकृष्ण गोरया न्हयलुवाय् सिद्धिस्मृति बाल अस्पताल अनुगमन याय्गु इवल्य फोहर व्यवस्थापन बांलाक याय्मःगु, बिरामी अप्वः छथाय्सं तयमज्यूगु, नपां अस्पताले खुसी बः द्रह्मवयकेया लागिं ब्यवस्था याय्मःगु सुभावा याता मनन यासे अस्पताल ब्यवस्थापन समितिया संस्थापक नायो श्याम सुन्दर धौभडेल जुं नगरपालिका व मेमेगु अस्पतालनपां सहकार्य याय खांसा अझ बांलाइगु खाँ कड दिल । ५० बेड व १८२ म्हा कर्मचारी दःगु उगु अस्पतालया

भवन त थी थी संघ संस्थां दय्क ब्यूगु वयकलं जानकारी बियो दिल ।

अथेहे जनस्वास्थ्य केन्द्र च्याम्हासिङ्गे आकस्मिक उपचार ८ बेड व कर्मचारी ७० म्हा दःगु थासय् सर सफाइखय् विशेष ध्यान तयःमगु, ओपि.डी. व टिकट काउण्टरे लाइनया ब्यवस्थापन याय् मःगु हरेक विभागे कर्मचारी तानेमःगु व थप ब्यवस्थापन याय्मःगु खाँ कड दिल । जनस्वास्थ्य केन्द्रया इन्चार्ज डा.रत्न सुन्दर लासिवाजुं २०३० साले स्थापना जूगु उगु जनस्वास्थ्य केन्द्रे विशेषज्ञ डाक्टर १४ म्हा जनरल डाक्टर १४ म्हा छँ छँ नर्सिङ् सेवा बियो

च्वंगु नपां जनताया सेवाया नितिं वर्षया स्वंगु करोड घाटाय् वाड च्वंगु खाँ कड दिला

उगु अनुगमन समिति रोशन मैयां सुवाल, डा. शनिस कुसी, भनपा स्यानिटेशनया न.नि.दिलिकुमार सुवाल व.नि. रामकृष्ण प्रजापति, करशाखाया मोहनदेवी ब्याञ्जु, भ.प्र.प या प्रहरी हवलदार सुजन नेपाली सीताराम नेपाल, राष्ट्रिय उपभोक्ता मञ्चया नारायण प्रसाद राजथला, उद्योग वाणिज्य संघया सञ्जय जोन्छे जिल्ला जनस्वास्थ्य स्वपया धनञ्जय आचार्य नं सहभागी जूगु खः ।

ख्वप बहु-प्रविधिक अध्ययन संस्थाने शिक्षक-कर्मचारी पिनिगु भेला

२०७६ साउन १२



ख्वप बहु-प्रविधिक अध्ययन संस्थाने शिक्षक-कर्मचारी पिनिगु भेला सं मू पाहाँ नेमकिपाया नायो श्रद्धेय नेता नारायणमान विजुक्छे (रोहित) जुं मनु सामाजिक प्राणी जुगुलिं सामाजिक कर्तव्य त्वःमफिडकसें

हज्याय्मःगु खाँ कड दिसें पदीय दायित्व नपां समाज परिवर्तन याय्गु मतिं ज्या सानेमःगु खाँ कड दिल । प्रजग कोरिया (१११) सच्छि व हिँछम्हा सिया लागिं छम्हा डाक्टर दःगु खाँ कड दिसे भ्नीथाय् म्हवः

धेबा खं मेडिकल शिक्षा विय् धःगु ख्वप विश्व विद्यालयता स्वीकृत मब्यूगु सत्तासिन दलया स्वार्थ प्यपुंगु नपां पक्षपात यागु खः धायोदिल । न्हापानं थुजगु हे संघर्ष जक ख्वपनांया शैक्षिक संस्था ह्य् फःगु खाँ थुइक शिक्षक-कर्मचारीपिसं थःथः गु थासं फःगु चःगु ग्वाहाली याय्गु, इमान्दारी पूर्वक संघर्षया भावनां हज्याय्मःगु खाँ कड दिल ।

ख्वप नगरपालिकाया प्रमुख अले संस्थान सञ्चालक समितिया नायो सुनिल प्रजापतिजुं शिक्षक-कर्मचारीपिसं सांगठनिक नैतिकता त्व मतसें मेपुंस्वयो बांलाक अब्बल जुयो श्रमदानया भावना ब्वलांक हज्याय् मःगु सल्लाह ब्याक दिल । वयकलं फुक्क पूर्वाधार दया नं अनेक त्वहः तयो इलय-ब्यलय् संस्थागत दुःख वियो च्वंगुलिं थजगु बांमलागु पक्षपातपूर्ण ज्याया विरुद्ध ल्वाय् मःगु खाँ कड दिल ।

ज्या इवःसं संस्थानया प्राचार्य डा. रत्न सुन्दर लासिव, शिक्षक कर्मचारी पिसं नं थःगु नुगः खाँ तयो दय्गु खः ।

कःसिखेती तालिम क्वचाल

२०७६ साउन १२

भ.न.पा. वडा नं. ९ या ग्वसालय जुगु स्वन्ह्या कःसिखेतीया तालिम क्वचःगु ज्या इवःया मू पाहाँ नेमकिपाया बैकल्पिक केन्द्रीय दुजःनपां प्रदेश सभा सांसद सृजना सैजुजुं छँन पिहाँवइगु फोहरमैला मुड सःदय्क कःसि खेती याय्गु विधि सय्केता भःपुं अपलं ज्याथपुं जेष्ठ मिसातय्गु उत्साहजनक काथं ब्वतिकःभःगुलिं समाजय् न्ह काथं ह्यूपा ह्यूता ग्वाहाली जुइगु बिचःप्वंकसें हरेक स्थानीय तहःखय् विउ विजन मुनेगु दुक् (भण्डारणकेन्द्र) दय्केता बःयाड च्वडागु, भ्नीगु स्थानीय पुसा त तड वांसा भ्नीसं मेपिनिगु भरे पुसा काय् मःसा दुःख सिइगु जुगुलिं थःहे सक्षम जुयमःगु खाँ





ख्वप पौ

कडदिल । भीगु देशया सरकार विदेशी तय्गु तुतिपाली भवःपुड्महा जुगुलिं भीगु दे कृषिप्रधान धःसा दौय् दौय्सं १३ सय टन स्वयो अप्वः सिसाफल, तरकारी भारतं हय मःगु दुःखया खाँ कड दिलं वयकलं मिसातनं वर्गीय काथं नेथ्व दैगुलिं तःमिगुवर्गया मिसात

राष्ट्रपति, मन्त्री, सभामुख जुसां मिसा तय्गु दुःख मतांगुलिं राजनैतिक रुपहे भी छप्पा छधि जुयमः गुलि बः बियोदिल । अथेहे ज्या इवःसं वडाध्यक्ष (९) रविन्द्र ज्याख्वः जुं सम्पदा भीगु हे सम्पति जूगुलिं म्वाक तय्मःगु भीथाय् सुचुकुचु

भीसंहे याय्मःगु खाँ कड दिल । कार्यपालिका सदस्य छोरीमैयाँ सुजखुजु नं नुवाड दय्गु ज्या इवःसं सांसद सैजुजु दसिपौ नपां पुसा नं लःल्हाड ब्युगु खः। नपां कःसि खेतीया स्थलगत अध्ययन भ्रमण नं याकगु खाँ प्रशिक्षार्थी पाखं जानकारी ब्युगु खः ।

हनुमानघाट निसें वासिकचाया लाँय सिमाचापिय्गु ज्या जुल

२०७६ साउन २०

ख्वप न.पा. वडा नं. ७ या ग्वसालय् हनुमानघाट जःखः व वासिकचाया लाँय नेखे सिथय् सिमाचा पियगु ज्या इवःसं मूपाहाँ ख्वप नगरपालिकाया प्रमुख सुनिल प्रजापतिजुं ख्वप नगरपालिकां थी थी थासय् सिमा - स्वमा पियगु, सुचुकुचु याय्गु कःसिखेतीया तालिम वियागु खाँ कड दिसे जनश्रमदान याइगु भीगु नगरे प्रधान मन्त्री रोजगार कार्यक्रम लागु मजगु खाँ कड दिल । वयकलं नगरता अझ बांलाक सुचुपिचु याड तय्गु अभियाने नगरबासी तय्गु ग्वाहाली मःगु खाँ कड दिसे देशे प्रधानमन्त्री रोजगार कार्यक्रमया नामे अरबौ धेवा खर्च याड फिद्वैखय् नाःतय्गु ज्यायाड च्वंगुलि कुखिड दिल ।



अथेहे वातावरण समितिया कजि वडाध्यक्ष (९) रविन्द्र ज्याख्वः जुं सिमापिय्गुया महत्व काडदिसे न्हूगु व पुलांगु पुस्ता मिले जुयो भीगु दे भीसं दय्के धाय्गु मतिं ज्या सानेता इनाप याड दिल । अथेहे वडा नं ७ या वडाध्यक्ष उकेश कवांजुं वातावरण प्रदुषण

मजुइकेता सिमा पियमःगु खाँ कड दिल ।

उगु ज्या इवःसं वडा सदस्य हरिरत्न गोर्खाली नेमकिपा वडा नं ७ या बलराम गोसाईं व कृष्ण गोविन्द लाखाजु पिसं नं न्वचु तयो दय्गु खः ।

ख्वप नगरपालिकाया प्रमुख सुनिल प्रजापति नपां पञ्चदेवल विनायक नपाया प्रमुख देवराज देवकोटा नेपालात

२०७६ साउन २०

ख्वप नपाया प्रमुख सुनिल प्रजापति नपां सोमबार खुनु ख्वप नगरपालिकाय् भायो पञ्चदेवल विनायक नगरपालिका अछामया प्रमुख देवराज देवकोटा नेपालः भायो ख्वप नगरपालिकाया ज्या इवःन्यड थुइकदिल । उगु नेपालाय्गु ज्या इवः सं उपप्रमुख रजनी जोशी, प्रमुख प्रशासकीय अधिकृत यामलाल अधिकारी, वडाध्यक्षपुं रविन्द्र ज्याख्व व श्यामकृष्ण खत्री नं उपस्थित दःगु खः ।




सापारूबले चाहिलिगु (प्रदक्षिणा मार्ग) लाँया अनुगमन

२०७६ साउन २१

ख्वप नगरपालिकाया प्रमुख सुनिल प्रजापतिया न्ह्यलुवाख्य साउन २१ गते सापारूबले चाहिलिगु (प्रदक्षिणा मार्ग) लाँय अब्यवस्थित काथं पांक तयो तःगु तार पोल व दुडु च्वंगु छँया भग्नावशेष व निर्माण सामग्रीत ब्यवस्थापन याक्तेता अध्ययन अनुगमन यात ।

सुथाय् ७:०० ताइलय् तःमाही मुडु नगरपालिकाया सकलें जनप्रतिनिधिपुं, कर्मचारी, जिल्ला प्रशासन कार्यालयया प्रतिनिधि, महानगरीय प्रहरी परिसर, नेपाल टेलिकम, विद्युत प्राधिकरण, केबुल नेटवर्क व इन्टरनेट प्रदायक संस्थाया मंकःपुचलं उगु लाँपुया अनुगमन याडु अब्यवस्थित व मछिंगु थासय् तुरून्त चिड्क वियया लागिं सम्बन्धित मनुतयूता निर्देशन ब्यूगु खः ।



ख्वप इञ्जिनियरिङ्ग कलेजे प्रा.डा. मोहन मूर्ति पन्त जुयाता विदाइ वियगु ज्याइवः

२०७६ साउन २२



२०६५ साल जेठ १२ गते निसैं २०७६ साउन २२ गते तक ख्वप इञ्जिनियरिङ्ग कलेजे ज्या साडु उमेरया काथं अवकाश कायो दयूम्हा प्रा.डा. मोहन मूर्ति पन्त जुयाता दोसल्ला डयूक हना -पौ बियो बिदा वियगु ज्या इवः या मू पाहाँ ख्वप नपाया प्रमुख अले कलेज सञ्चालन समितिया नायो सुनिल प्रजापतिजुं विदाइ बियो निसैं थुगु अवकाश औपचारिक जक खः धाय्गु मति तयो दिय्मःगु

अले बाँलागु ज्या सानिपिन्ता समाजं ज्या काथंया सम्मान दैगु खाँ कडु दिल । वय्कलं फुक्क पूर्वाधार दयानं ख्वप विश्वविद्यालयया सम्बन्धन मब्यूगु सरकारया नगरपालिका प्रतिया पूर्वग्राही सोच व पक्षपातपूर्व व्यवहार खः धायो दिल । नपां वय्कलं नगरपालिकापाखं न्ह्याक च्वंगु कलेजे अध्ययन अनुसन्धानया लागिं विस्कं बजेटया ब्यवस्था याडु तयागु खाँ नं कडु दिल ।

कलेज सञ्चालक समितिया न्वकु (उपाध्यक्ष) अले ख्वप नपाया उपप्रमुख रजनी जोशीजुं दैगु दिने नं डा.पन्त जूया ग्वाहाली दैगु विश्वास प्वंक दिल ।

उगु ज्या इवःसं ख्वप इञ्जिनियरिङ्ग कलेजया प्राचार्य सुजन माक, ख्वप कलेज अफइञ्जिनियरिङ्गया प्राचार्य सुनिल दुवाल, उपप्राचार्यपुं रविन्द्र फौजु, रत्नशोभा प्रजापति जुपिसं थःगु नुगःखाँ तयो दयूगु

खः । अथेहे विभागीय प्रमुख पुं राजु भाइ त्यात, सुनयना कर्माचार्य, लिवास फैजु, नवराज बुढाथोकी गजेन्द्र भक्त सुवाल, रीना मानन्धर, अमित शंकर, रञ्जित गणेशराम धवँजु, काजी बहादुर पञ्च, राजन जति, जसतारा कोजू व रिजिना बज्राचार्यजु पिसं नं अवकाश कायो दयूम्हा प्रा.डा. पन्तजुं अवकाश जीवन भन सक्रिय जुयो न्ह्याकिगु खाँ कडु दिल ।

छाती पुनःस्थापना केन्द्र निर्माण प्रगति विषयसं समीक्षा बैठक

२०७६ साउन २३

ख्वप नगरपालिकाया च्याम्हासिङ्गे दयक च्वंगु छाती पुनःस्थापना केन्द्रया अःतकख्य गुलि प्रगति जुला धाय्गु विषयसं ख्वप नगरपालिकाया प्रमुख सुनिल प्रजापति व जापानी अन्तर्राष्ट्रिय चिकित्सा प्रविधिक संस्था जिम्टेफया प्रतिनिधि पुचःनपां मंकः बैठकसं अःतक जुयो च्वंगु ज्या ख्य भवन निर्माण नपां मे मेगु महत्वपूर्ण ज्याया समीक्षा बैठक जुल । उगु बैठकसं उपप्रमुख रजनी जोशी, प्रमुख प्रशासकीय अधिकृत यामलाल अधिकारी वडाध्यक्षपुं उकेश कवां (७) रविन्द्र ज्याख्व (९) कार्यपालिका सदस्य छोरी मैयाँ सुजखु, उपभोक्ता समितिया नायो रत्नप्रसाद



प्रजापति, साइट इन्जिनियर कृष्ण सुन्दर दुवाल, सोलिड नेपःया डा. विम बहादुर कार्की लगायतया उपस्थिति दःगु खः ।

सापारु (गाईजात्रा) व्यवस्थापन याय्ता सरोकारवाला पिनिगु बैठक

२०७६ साउन २४

ख्वप नगरपालिकाया प्रमुख सुनिल प्रजापतिज्या नायोलय् २०७६ सालया सापारु (गाईजात्रा) याता बांलाक न्ह्याकेता ट्राफिक व पार्किङ्ग व्यवस्थापन याय्गु विषयसं सम्बन्धित सरोकारवालापुं नपां बैठक जुल । उगु बैठकं साउन ३१ गते न्हिच्छतक सापारु चाहिङ्किगु प्रदक्षिणा मार्ग, उकिया जःखः, पुलांगु नगर दुने नेपांग्रा व प्यपांग्राया सवारी साधन ह्यके मविय्गु, थी थी खुल्ला

थाय् ल्ययो पार्किङ्ग दय्क वियगु, स्थानीय जनता नपां महानगरीय ट्राफिक प्रहरी नं परिचालन याय्गु नपां मादक पदार्थ व लागुपदार्थ सेवनयाता नियन्त्रण याय्गु नपां अमर्यादित व अपराधिक ज्या तः नियन्त्रणया नितिं विशेष पहल याय्गु निर्णय यात ।

उगु बैठके ख्वप न.पा.या जनप्रतिनिधिपुं, जिप्रका पाखें दिलिप लामिछाने ज.न.प्र.या. रेवतीरमण पोखरेल, पूर्व टा. प्र.नि. सिताराम हाँछेथु लगायत पिसं थःथःगु बिच प्वंक दय्गु खः ।

सापारु तयारीया नितिं सांस्कृतिक गुरुपुं मुंकल

२०७६ साउन २५

ख्वप नगरपालिकाया ग्वसालय शनिबार सापारुबले क्यनिगु परम्परागत व आधुनिक सांस्कृतिक विधा तय्गु तयारी

ल्यासे-ल्याम्होपिन्ता लाहातय् ज्या दैगु तालिम बियो च्वडागु खाँ कड दिल



स्वरूप सांस्कृतिक गुरुपुं मुंक नगर प्रमुख सुनिल प्रजापतिजुं ख्वपयाता सांस्कृतिक केन्द्रकाथं विकास याय्गु मति दःगुलिं गुरुपिसं न्हूगुपुस्ताता थःगु सीप लःल्हाड तकेमःगुः खाँ कड दिल । गुकिं थःथःगु थासं देश व जनताया सेवायाय्गुलि योगदान जुइगु सापारु व सांस्कृतिक बाजा गाजा, प्याखं थजगु ज्या पेशागत काथं हज्याकेमःगु अले

वडाध्यक्ष (९) रविन्द्र ज्याख्व जुं धिं धिं बलाया ग्वसः ग्वयागु खाँ कडदिलसा नगर दुनेया दाफा भजन साँस्कृतिक पुचःतः उपस्थित जूगु उगु मुंज्यासं नगरपालिकाया ज्या च्वछाय्, बहःगु जूगुलिं थजगु बांलागु ज्याख्य् ग्वाहाली याय्ता थःपुं तयार दःगु खाँ साँस्कृतिक गुरुपिसं कड दिल ।

सहकारी संस्थां इलय् हे कर पुले मः

२०७६ साउन २५

ख्वप नगरपालिकाया प्रमुख सुनिल प्रजापतिया प्रमुख आतिथ्यखय् शनिबार भक्तपुर जिल्ला बचत तथा ऋण सहकारी संस्था लिमिटेड सहकारीखय् सन्दर्भ ब्याजदर, कोपिमिस व कर विषयया अन्तरक्रिया ज्याइवःसं प्रमुख प्रजापतिजुं सहकारी संस्थां इलय हे कर पुल उकिया सदुपयोग जू मजु स्वयमःधायोदिल, वयकलं सहकारी पर्यटन क्षेत्रे लगानी याय् मःगु सल्लाह बियो दिल ख्वप नगरपालिका जनताया गुनासो न्यनिगु नगरपालिका जूगुलिं जनताया गुनासो न्यड हे करनीतिखय् सुधार याडागु खाँकड दिल ।

वयकलं सरकारया थिडक च्वंपुं अले शासकदलया थःवं क्यंपुं ठेकेदार तय्सं सरकारता चाःचाः हिडकतःगु खाँ कड दिसें दां दां दयानं नगरकोट सडक सिमध्यक जनतातय्ता दुःख बियो च्वंगु सरकारया अकर्मन्यताया छगू ग्यसुलागु उदाहरण खः धायो दिल ।

उगु ज्या इवःसं वडाध्यक्ष (२) हरिप्रसाद बासुकला



भ.न.पा. सहकारी समन्वय उपसमितिया कजि जगनाथ प्रजापतिजुं नुवाड द्यूगु खःसा भक्तपुर जि.व. तथा ऋण सं. संघया नायो कृष्ण गोविन्द लाखाजुया नायोलय् जूगु खः । अले आन्तरिक राजस्व कार्यालयया प्रमुख सूर्यप्रसाद पोखरेल, संघया उपाध्यक्ष हरिबल्ल जूपिसं नं थःगु नुगु खाँ तयो द्यूगु खः ।

ख्वप नगरपालिका ३ नं वडा समितिया ग्वसालय् आ.व. २०७५/७६ सं न्ह्याकगु योजनाबारे जानकारी



२०७६ साउन २५

ख्वप नगरपालिका ३ नं वडा समितिया ग्वसालय् आ.व. २०७४/७५, २०७५/७६ सं न्ह्याकगु योजना क्वचाय्केता निस्वाड तःगु उपभोक्ता समितिखे च्वड ग्वाहाली याडः च्वंपुं पदाधिकारीतय् दथ्वी छगू ज्याइवः जुल । उगु ज्या इवः सं ख्वप न.पा. प्रमुख सुनिल प्रजापतिजुं आ.व. २०७६/७७ स. न्ह्याकिगु योजनाया बारे जानकारी बियो दिल ।

प्रमुख प्रजापति हनुमानघाटया दक्षिण पाटी स्वः भाल

२०७६ साउन २५

ख्वप नपाया प्रमुख सुनिल प्रजापतिजुं ख्वप न.पा. वडा नं ७ हनुमानघाट खोंहे दयक च्वंगु दक्षिणपाटीसं पोल्हँ च्यूगु स्वःभाल । उगु फल्चाय् स्थानीय गुठीया पिसं जनश्रमदान याड द्यूगु खः ।





ख्वप नपाया प्रमुखजु याता राष्ट्रिय पुनःनिर्माण प्राधिकरणया प्रमुख कार्यकारी अधिकृतज्यू नेपालः भाल

२०७६ साउन २६

ख्वप नगरपालिकाया प्रमुख सुनिल प्रजापतिजुं आइतबार राष्ट्रिय पुनःनिर्माण प्राधिकरणया प्रमुख कार्यकारी अधिकृत सुशिल चन्द्र ज्ञवाली व कार्यकारी दुजः चन्दन कृष्ण श्रेष्ठ नपालाड सम्बन्धित विषयसं छलफल याड दिल ।



सापारुया तयारी काथं सफाइ मजदुरत मुंकल

२०७६ सालया सापारु पर्व बांलाक हानेता ख्वप नगरपालिकां नगरपालिकाया सफाइ मजदुरत मुंकुगे ज्याइवःसं



नगर प्रमुख सुनिल प्रजापति जुं जात्राया इलय् सफाइ छगू चुनौती खः सां देसां देछिया मनू त वैगुलिं सकसिया मनय् ख्वप सफाइया

नमूना खः धाय्केगु काथं ज्या याय्मःगु खाँ कड दिल । ख्वप नगरपालिकां कलेज सञ्चालन, सुचुकुचु व्यवस्थापन, कला-संस्कृति सम्पदा म्वाक तय्गु व आवास योजना ब्यवस्थित काथं न्हयाक च्वंगुलिं मेगु नगरपालिकाया लागिं उदाहरणीय जुयो च्वंगु खाँ कड दिसें थुजगु ज्याया लागिं जनताया ग्वाहाली न्हयाब्लें दय्मःधायो दिल ।

उगु ज्या इवः सं वडा नं ९ या वडाध्यक्ष नपां वातावरण समितिया कजि रविन्द्र ज्याख्वःजुं सापारु बले थी थी जिल्लायामनूत नपां विदेशी पर्यटकतनं स्वः वडगुलिं अनुशासित जुयो ज्यासानेमःगु व स्थानीय उत्पादन त पर्यटक तय्ता क्यने मःगु अले अनुशासनं प्याहाँ वानिपिन्ता कार्बाही जुइगु नं खाँ कड दिल । ज्या इवः सं न.नि. दिलिप कुमार सुवाल व वडा निरिक्षक रामकृष्ण प्रजापति पिसनं न्वचु तयो द्यगु खः ।

विपद व्यवस्थापन विषय युवा विद्यार्थीपिन्ता अभिमुखिकरण ज्याइवः

२०७६ साउन २६

ख्वप नगरपालिकाया प्रमुख सुनिल प्रजापतिजुं नगरपालिकाया ग्वसालय् जगु प्यन्हूया विपद व्यवस्थापन तालिमया उलेज्या याड दिसे ल्यासे ल्याम्होपुं विद्यार्थी पिन्ता फुक्कं क्षेत्रे योग्य व सक्षम याय्गु मतिं लिपा वय् फःगु सम्भावित खतराखं बचे याय्ता तालिमं ग्वाहाली याइगु खाँ कड दिल । वयकलं विपदया इलय् शारीरिक रूपं अशक्त, मचाखाचा, बुहाबुहीपिन्ता न्हपालाक उद्धार याय्मःगु नपां ग्याड मखु सुरक्षित ढङ्गं उद्धार याय्मःगु खाँ कड दिल ।

उगु ज्याइवःसं वडाध्यक्षपुं रविन्द्र ज्याख्वः(९) श्याम कृष्ण खत्री(९) व तालिमया प्रशिक्षक मेजर दिपेन्द्र पोखरेलजु पिसं नं थःगु नुगु खाँ प्वंक दय्गु खः ।



नीकगू अन्तर्राष्ट्रिय युवा दिवस डायकल

२०७६ साउन २७

‘पुनः निर्माणे युवा पिनिगु सार्थक सहभागिता’ धाय्गु मूल नारा ज्वड खप नगरपालिकां सोमबार नीकगू अन्तर्राष्ट्रिय युवादिवस डायकल । उगु ज्या इवः सं खप नगरपालिकाया प्रमुख सुनिल प्रजापतिजुं पुँजीवादी ब्यवस्थां ज्यासाड नैपुं ज्यापु-ज्यामितयता भिं मयाइगु खाँ कड दिसे नेपःया संविधान काथं नेपःया सरकारं समाजयाता समाजवाद उन्मुख दिशा पाखे यंके मफुगु खाँ कड दिल ।

व्यकलं अःया सरकारया ज्या स्वयबले निजी क्षेत्रता प्राथमिकता बियो च्वंगु, एन.जि.ओ., आइ.एन.जि.ओ या महाजालय लाड च्वंगु, अमिगु इसाराय सरकार चलेजुयो च्वंगु संविधानया अखः गु ज्याखः धायो दिल । व्यकलं सभ्य व देशभक्त नागरिकपिसं मेगु देशंयागु हस्तक्षेप व थिचोमिचोया विरोध याय्मः धायो दिल । नपां खप नगरपालिकां स्वस्थ नागरिक दय्केता फुक्क वडाय् ब्यायाम सामग्री ताने ताडागु जानकारी नं बियो दिल ।

उगु ज्याइवः सं प्रदेश नं ३ या सांसद सुरेन्द्र राज गोसाइँ जुं विश्वय् जुयो च्वंगु अन्याय अत्याचारया विरुद्धय् ल्वाय् फःम्हा व्यक्ति वास्तविक अर्थे युवा खः धायो दिसें सामाजिक ध्वंशकारी त



राजनीतिज्ञ जुय मफैगु खाँ कड दिसें अपराधीतयता संरक्षण बियो तैपुं राजनीतिक मन्तयसं हे समाज स्यंक च्वंगु खाँ कड दिल ।

खप नगरपालिकाया उपप्रमुख रजनी जोशी जुं ल्याय्म्हो ल्यासेपुं समाजया दथुआंग जूगुलिं नगरपालिकां युवा केन्द्रित तालिमे बःबियो, नगरया सामाजिक, आर्थिक विकासे युवात परिचालन याड, अनुसन्धानात्मक क्रियाकलाप पाखें समाज हःचिडकेगु लक्ष्य दःगु खाँ कड दिल ।

दक्षिण एशियाय् ल्वापु याकेफःसा साम्राज्यवादीतयता फाइदा जुइगु

२०७६ साउन २८

खप नगरपालिकाया ग्वसालय साउन २८ गते सुथाय्, हःने वयो च्वंगु सापारु (गाईजात्रा) या नितिं खप नपा.वडा.नं. १ निसें ५ तकया प्रदक्षिणा मार्गे संघीय सांसद प्रेमसुवाल, उपप्रमुख रजनी जोशी व प्रदेशसभा सदस्य सुरेन्द्रराज गोसाइँ जु पिनिगु न्हयलुवाय् व वडा नं. ६ निसें १० तक खय् खप नपा प्रमुख सुनिल प्रजापति व प्रदेशसभा सदस्य सृजना सैजुपिनिगु न्हयलुवाय् सुचुकुचु याय्ता भःपुं सकल पुचःपिसं देडांक सुचुकुचु यात ।

उगु सभासं ने.म.कि.पा.या छयाञ्जे अले संघीय सांसद प्रेमसुवाल जुं सुचुकुचु याय्गु सभ्यताया चिं खः धायो दिसें पूखां निसें योड वयो च्वंगु सुचुकुचु



व पूर्खा दयक तकगु सम्पदा ल्यंकतय्गु भीगु कर्तब्य खः धायोदिसें ख्वप नगरपालिकां थुकियाता प्राथमिकता बियो ज्या सड च्वंगु खाँ याता च्वछायो दिल ।

वयकलं गुन्हीपुन्हीया राजनैतिक, सामाजिक महत्व न्हँगु पुस्ताता काँ काँ सांस्कृतिक सम्पदा संरक्षण, सुचुकुचु व विकासनिर्माणे जनताया सहभागिता, जनश्रमदान, आर्थिक अनुशासन, पारदर्शिता दय्मःगु खाँ नं ब्याक दिल ।

वयकलं दक्षिण एशियाय् ल्वापु याके फःसा साम्राज्यवादी तय्ता फाइदा जुइगुलिं जम्मू-काश्मिरे भारतं यागु हस्तक्षेपे अमेरिकाय्गु लाहादय्म जक शड्का प्वकसें भारतया विस्तारवादी नीतिं दक्षिण एशियाया जनता तय्ता भिं मजुइगुलिं सचेत जनतां विरोध याय्मःधायो दिल ।

अथेहे नेमकिपाया केन्द्रीय दुजःअले ख्वप नगरपालिकाया प्रमुख सुनिल प्रजापतिजुं सापारु हिसीख्यालीया रूपे जक मखु जनतातय्ता राजनैतिक रूपं शिक्षित याय्गु काथं छयलेमःगु खाँ कड दिल । वयकलं सापास्याता तस्कं बांलाक व कार्थछिंक हानेता ख्वप नगरपालिकां उगु जात्रा नपां स्वापु दःपुं सांस्कृतिक गुरुत मुं क सल्लाहबल्ला याड वयो च्वडागु अले भीगु थाय् भीगु जात्रा बांलाकेता सकल नगरबासी पिनिगु ग्वाहाली मःगु खाँ नं ब्याक दिल ।

प्रदेश नं. ३ या सांसद सुरेन्द्रराज गोसाईजुं सापारु ख्वपया छगू म्हासिडका काथं हज्याड वयो च्वंगुलिं थुकियाता तस्कं बांलाक हानेमःगु खाँ कड दिल । मेम्हा प्रदेश सांसद सृजना



सैजुजुं सापास्याता सांस्कृतिक पर्व नपां जनताया राजनैतिक चेतनास्तर थाकाय्गु द्बु काथं छयले मःगु खाँकड दिल ।

उगु ज्या भ्वःसं वडाध्यक्षपुं रबिन्द्र ज्याख्वः (९) महेन्द्र खायमली (८) कार्यपालिका सदस्य सरिना टोलापिसंनं जात्रा मर्यादित ढंग डाय्केता इनाप याड दिल ।

उगु सुचुकुचु ज्या भ्वः सं ख्वप नगरपालिकाया जनप्रतिनिधिपुं कर्मचारी, नेपाल मजदुर किसान पार्टी व जनवर्गीय संगठनया पासापुं, थी थी संघ संस्था, स्थानीय जनता विद्यालय, कलेज, टिम, क्लब, सहकारी संस्था, प्रहरी प्रशासनलगायत पिसं भवति कायो दय्गु खः ।

गुठी जग्गाया अधिकार स्थानीय तहता बिय्मः

२०७६ साउन २८

सरकारी, सार्वजनिक व गुठी जग्गा संरक्षणसम्बन्धी जाँचबुझ आयोजनाया ग्वसालय् जूगु स्वनिगःया स्थानीय तह दुने



च्वंगु सरकारी, सार्वजनिक गुठी जग्गा हिनामिना याइगु, त्यल काइगु व नेपाल सरकारपाखं सार्वजनिक हितया लागिं अधिग्रहण अले जफत यागु जग्गा हिनामिना जूगु विषयसं जूगु अन्तरक्रियासं ख्वप नगरपालिकाया प्रमुख सुनिल प्रजापतिजुं गुठी जग्गा, छँ व

सम्पतिया संरक्षण व चिच्या-चिच्या ग्वगु देगः त, शिवालय, मठ देगः संरक्षण, ल्हवनेकाने व गुठी संस्थान नपां सम्बन्धित अधिकारी पिनिगु जिम्मा स्थानीय तहता बिय्मःगु खाँ कड दिल ।

वयकलं स्थानीय तहता अधिकार बिल धःसा आमदानी नं अप्वःदैगु साँस्कृतिक सम्पदानं म्वाक तय् फँगु खाँ कड दिसें मठाधिेश धायपुं बुँ थुव (मालिक) मखुसें संरक्षणयानितिं तयो तःपुं कर्मचारी थें जक खः । सरकारं गुठी विधेयेक लिताकःगुलिं द्रलंद्र गुठीजग्गा कमेयाड च्वंपुं किसानत मोहियानी हकं वञ्चित जूगु खाँ कड दिसें संस्कृति म्वाक तय्गु नामे सम्पदा म्वाकतःपुं किसानतय्गु मोहियानी हक लुटेयागु नपां गुठी संस्थानया अपलं मनूत हे गुठी जग्गा मियगुलि दलाल जुयो च्वंगु खाँ ब्याक दिल ।

उगु ज्या इवःसं येँ महानगरपालिकाया प्रमुख विद्यासुन्दर शाक्य जुं येँ अपलं पतिजग्गा त्यलकःगुलिं अभिलेख तय्मःगु खाँ कड दिल । नपां उगु ज्याइवः सं टोखा न.पा.या उपप्रमुख ज्ञानमाया डंगोल मेमेगु नगरपालिका व गाउँपालिकाया प्रमुख-उपप्रमुख पिसं भवति कःगु खः ।